

DILIXENCIA DE APROBACIÓN

Apróbase a presente acta na sesión ordinaria do Pleno municipal do día 12 de decembro de 2023 segundo borrador da sesión de data 25 de xaneiro de 2024.

Esténdese a presente dilixencia para constancia, coa sinatura dixital do Sr. Alcalde-Presidente e do Secretario municipal.

Visto e prace
(Asinado dixitalmente)

O secretario municipal
(Asinado dixitalmente)

C.I.F. P-1503100-H

ACTA DA SESIÓN ORDINARIA DO PLENO DO CONCELLO DE CULLEREDO CELEBRADA O DÍA VINTE E SEIS DE DECEMBRO DE DOUS MIL VINTE E TRES

ASISTENTES:

Presidente:

Don José Ramón Rioboo Castro, alcalde-presidente (PSdeG-PSOE)

Concelleiros/as:

Grupo municipal do PSdeG-PSOE:

D^a. Cristina Pardo Portos
D. Carlos Liñares Gestal
D^a. María Penélope López Díaz
D. Juan Carlos Iglesias Lovelle
D^a. Marta María Figueroa Fuentes
D. Mario Alfonso Iglesias Gómez

Grupo municipal do PP:

D^a. Izaskun García Gorostizu
D. Marco Antonio Pazos Regueiro
D. Juan Carlos Leites Maneiro
D. José Antonio Golpe Faraldo
D^a. Vanesa Fernández González
D. Antonio Bouza Teijeiro
D. Manuel Núñez Seoane

Grupo municipal do BNG:

D. Enrique Antonio Chouciño Garrido
D. Gonzalo Méndez Mosqueira
D. Xabier Fernández Villarrenaga Vázquez

Grupo municipal AA.VV.:

D^a. Indrani Thais Palla Maceiras
D. Miguel Fraga Pulleiro

Secretario:

D. Rafael José del Barrio Berbel

Non asistentes con excusa:

D^a. Marta María Iglesias Becerra
D^a. María Beatriz Pérez Mosquera

C.I.F. P-1503100-H

Na sala de sesións da Casa do Concello de Culleredo, ás vinte horas (20:00 h) do día vinte e seis de decembro de dous mil vinte e tres (26/12/2023), reúnese en sesión ordinaria o Pleno municipal, en primeira convocatoria, previamente convocadas ao efecto por resolución núm. 2475 do 20/12/2023, as persoas membros do Pleno do Concello relacionadas, baixo a presidencia do Sr. alcalde-presidente don José Ramón Rioboo Castro.

Foron asistidos polo Secretario xeral do Concello, don Rafael José del Barrio Berbel.

A Presidencia, tras comprobar nos termos expostos que se dá o quórum legalmente esixido polo artigo 90 do Real decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, para a válida celebración das sesións plenarias, declara aberta esta sesión, pasándose ao estudio e exame dos asuntos incluídos na Orde do Día da convocatoria.

1.- APROBACIÓN CONTA XERAL ANO 2022 (EXPTE. UIT/2023/362)

A Presidencia somete a debate e votación do Pleno a proposta da Alcaldía, de data 7 de decembro do ano 2023, con código de documento UIT17I0205, que se transcribe no seu literal:

“PROPOSTA APROBACIÓN DA CONTA XERAL 2022

1. A Conta Xeral do Concello de Culleredo correspondente ao exercicio económico 2022, formada pola Intervención Municipal e rendida polo Presidente, foi informada favorablemente pola Comisión Especial de Contas celebrada o 3 de novembro de 2023 (Certificado Ditame código de documento USG17I05QT, de data 7 de novembro de 2023).
2. O anuncio de exposición pública da Conta Xeral foi publicado no Boletín Oficial da Provincia de A Coruña número 214 de data 9 de novembro de 2023, así como no Taboleiro de Edictos deste concello dende o día 09/11/2023 ata o día 30/11/2023 (ámbolos dous inclusive).
3. Vista a certificación do Secretario Xeral de data 4 de decembro de 2023, na que se recolle que “non presentándose alegacións ao mesmo durante dito período no Rexistro Xeral deste Concello” (Certificado código de documento URP17I0PR2).

Á vista do exposto, PROPONSE ao Pleno da Corporación a adopción do seguinte acordo:

PRIMEIRO.- Aprobar a Conta Xeral do Concello de Culleredo correspondente ao exercicio económico 2022.”

A Presidencia abre a quenda para o debate

Solicita o uso da palabra a voceira do grupo municipal Alternativa dos Veciños, Sra. Palla Maceiras quen, unha vez concedido, di que o seu grupo quere manifestar, salvo mellor criterio por parte do Sr. secretario municipal, unha cuestión de forma xa que na documentación da que se lles deu traslado coa convocatoria botan en falta unha proposta para votar tal como aparece normalmente nos puntos que se someten a debate e votación do pleno municipal; solicita do Sr. secretario municipal aclaración sobre se é necesario ou non que entre a documentación posta a disposición dos membros da Corporación figure a proposta que se somete a votación.

Fai uso da palabra o Sr. secretario municipal e di que entre a documentación que figura no expediente si hai unha proposta; que non sabe se se puxo a disposición de todos os membros da Corporación na sede electrónica pero que si hai unha proposta de aprobación da Conta Xeral do Concello de Culleredo correspondente ao exercicio económico 2022.

Tras un breve debate sobre a posta a disposición ou non da referida proposta a través da sede electrónica, e constatado que o resto da documentación obrante no expediente si estaba a disposición de todos os membros da Corporación, o Sr. Secretario municipal

ofrece a posibilidade de ler na sesión a proposta de aprobación da Conta Xeral do exercicio 2022 que é aceptada por todos os concelleiros e concelleiras presentes na sesión polo que procede á lectura da proposta, código de documento UIT17I0205, transcrita anteriormente.

A continuación solicita o uso da palabra o concelleiro do grupo municipal do Bloque Nacionalista Galego de Culleredo, Sr. Méndez Mosqueira quen, unha vez concedido, di que escusa a ausencia da súa compañeira Beatriz Pérez Mosquera e a continuación di que, aclarado xa o asunto da proposta, o seu Grupo municipal quere facer unha análise da Conta Xeral do exercicio 2022, primeiro no aspecto formal e a continuación no fondo, sendo ese documento unha mostra da capacidade do goberno municipal para executar o orzamento municipal e das súas prioridades na execución dese orzamento.

En primeiro lugar, con respecto á información recollida na Conta Xeral sinalan novamente, como xa fixeron na Comisión Especial de Contas e no Pleno no que se aprobou inicialmente a Conta Xeral que se presenta neste punto, que consideran a información posta a disposición como incompleta, xa que non cumpre ao seu parecer co indicado no artigo 15 do Real Decreto 424/2017, de 28 de abril, polo que se regula o réxime xurídico do control interno nas entidades do Sector Público Local, cando di no seu punto 6:

“6. Con ocasión de la dación de cuenta de la liquidación del Presupuesto, el órgano interventor elevará al Pleno el informe anual de todas las resoluciones adoptadas por el Presidente de la Entidad Local contrarias a los reparos efectuados (...). El Presidente de la Corporación podrá presentar en el Pleno informe justificativo de su actuación.”

Neste tempo non tiveron acceso nin a unha cousa nin á outra. Nin saben cales son os argumentos do Alcalde para levantar os reparos da Intervención ás súas propostas de gasto, nin o propio Alcalde presenta un informe xustificando as súas decisións.

Cómpre informar á veciñanza que cando falan de reparos de Intervención están a falar de advertencias sobre o procedemento polo que se está a pretender xustificar un gasto do Concello.

O Alcalde ou as concelleiras e concelleiros delegados propoñen un gasto, ou o pago dunha factura, e a Interventora pode dicir “non se debería executar este gasto ou pagar esta factura porque o goberno municipal está a incumprir co procedemento legal para facelo.” A ese reparo que pon a Interventora, o alcalde ou concelleira correspondente pode presentar unha discrepancia para continuar co proceso de contratación ou de pago. A única información respecto dos Informes de Reparo da Intervención límitase ao recollido no Resumo de Control Interno do Concello de Culleredo no que se indica

“Informes de REPARO

A la fecha de redacción de este informe, no se ha finalizado, la remisión de la información relativa a los acuerdos contrarios a los reparos, al Consello de Contas de Galicia, a efectos de concretar el número exacto de reparos formulados en 2022, si bien ronda la cifra de 300, los cuales han sido de carácter suspensivo, salvo 1 de carácter no suspensivo.

La mayoría de los reparos formulados se basaron en el supuesto del artículo 216. 2 c) Omisión de requisitos esenciales.”

No mesmo informe indícase que

C.I.F. P-1503100-H

“En materia de contratación, la mayoría de los reparos formulados respondían a una misma casuística, la dilación en la tramitación de los expedientes de contratación, y el uso inadecuado del contrato menor.”

Mesmo informe no que se recomenda, entre as deficiencias que requiren medidas correctoras a través dun plan de acción:

“En materia de contratación:

- Adoptar medidas para subsanar las debilidades, deficiencias y errores que se han puesto de manifiesto, en relación a los incumplimientos de la Ley 9/2017, de 8 de noviembre, de Contratos del Sector Público, que se vienen produciendo.*
- Reducir la contratación menor, acudiendo a ella sólo de forma extraordinaria, a lo que escape de una ordenada planificación.”*

O Sr. Alcalde ten bastantes advertencias e é xa reincidente neste asunto como evidencian ano tras ano os informes de Intervención e tamén do Consello de Contas. Di que o Sr. Alcalde ten que coñecer a lexislación, ese Real Decreto 424/2017, e saber o que di respecto dese Plan de Acción que reclama a Interventora e le o seguinte:

“El Presidente de la Corporación formalizará un plan de acción que determine las medidas a adoptar para subsanar las debilidades, deficiencias, errores e incumplimientos que se pongan de manifiesto en el informe resumen referido en el artículo anterior.

El plan de acción se elaborará en el plazo máximo de 3 meses desde la remisión del informe resumen al Pleno y contendrá las medidas de corrección adoptadas, el responsable de implementarlas y el calendario de actuaciones a realizar”

Xa llelo reclamaban tamén en anteriores informes acompañando á Conta Xeral de exercicios anteriores, aos que o Sr. alcalde fai caso omiso a pesar de coñecer perfectamente as súas obrigas. Ten tres meses e xa lle pasou un desde que puxeron este informe a disposición da Corporación municipal polo que quedan dous meses para presentar un Plan de Acción para corrixir as malas prácticas do goberno municipal na execución do orzamento. Pregúntalle ao Sr. Alcalde se ten que volver o Consello de Contas tirarlle das orellas unha vez máis e se ten que avergoñar novamente ao Concello de Culleredo diante do Consello de Contas pola súa continua contratación a dedo.

Cómpre tamén sinalar que se incumpre coa normativa en materia de morosidade segundo se indica no Informe Anual elaborado pola Interventora, con gastos comprometidos e fóra do período legal de pago que pasaron, en 2022, de ser 117 no primeiro trimestre a ser 1114 no terceiro trimestre e 1540 no cuarto trimestre. O informe di o seguinte:

“Obsérvase que NON se cumpre o prazo máximo de pago previsto no artigo 4 da Lei 3/2004 para cada un dos trimestres analizados do exercicio 2022, ao exceder do prazo máximo de 60 días legalmente previstos. En virtude dos feitos anteriores, considérase que a avaliación do cumprimento da normativa de morosidade non resulta conforme, en todos os aspectos significativos coa normativa que resulta de aplicación. Á vista dos atrasos producidos, recoméndase realizar un estudio do circuito de firma, revisión, pago e resolución a efectos de analizar as causas da demora e propoñer melloras ou maior dilixencia na tramitación das facturas.”

Botan tamén en falta nas cuestións de forma da Conta Xeral que se presenta un desglose da conta orzamentaria 413 que o Plan Xeral Contable define como “conta acreedora que recolle as obrigas derivadas de gastos realizados ou bens e servizos recibidos, para as que non se produciu a súa aplicación ao orzamento, sendo procedente a mesma.” É dicir, gastos pendentos de incorporación ao orzamento de anos anteriores ao que

corresponderían. Neste sentido, consideramos fundamental saber se os 254.080€ que se recoñecen como pendentes de aplicar ao orzamento de 2022, chegan a este punto ou ben por ser derivadas de gastos que foron legalmente adquiridos en exercicios anteriores para os que a factura ou documento equivalente non chegou antes do 31 de decembro ou porque o ben ou servizo no puido ser recepcionado ou recibido de conformidade ou, por outra banda, se chegan á Conta por ser derivadas de gastos realizados sen consignación orzamentaria á marxe do procedemento legalmente establecido, o cal impediu que fose recollido no orzamento, e para o cal o seu rexistro contable estase a realizar a través da mencionada conta 413.

O desexable sería que todos estes compromisos entraran na conta 413 polo primeiro motivo, xa que en caso de haber compromisos nesa conta derivados de gastos realizados sen consignación orzamentaria debería procederse a unha revisión de oficio dos actos que levaron a esa situación irregular previa ao recoñecemento extraxudicial dese crédito. Pero coa información da que dispoñen, non poden diferenciar a orixe deses máis de 250.000€ de gasto non recollido de xeito apropiado no orzamento.

En resumo, en cuestións de forma, indicaron en varias ocasións da ausencia do informe de discrepancias e deron en anteriores ocasións a oportunidade de que se puxera a disposición antes da aprobación definitiva da Conta Xeral pero ven que non foi así, o que poñemos de novo en evidencia. Non quedará outra que ter que pedir ese informe por escrito.

Observan con preocupación como os índices de morosidade aumentan trimestre a trimestre ao longo do ano, con gastos comprometidos que exceden, con moito, os períodos máximos de pago sinalados pola lei e botan en falta ese desglose da conta 413 para saber se se está a recoñecer gastos fóra do exercicio polas súas malas prácticas na contratación e no pago de facturas, engadindo que, a maiores, cómpre hoxe facer unha análise política das prioridades no gasto do goberno municipal, é dicir, en que gasta os 45.605.690,66€ dos que dispuxo en 2022.

Repíte a cifra porque haberá aquí e nas súas casas que non dea crédito porque o goberno municipal dispuxo durante o exercicio 2022 de 45.605.690,66€.

O goberno municipal enche a prensa de titulares anunciando inicialmente un orzamento de case 28 millóns de euros pero, como non parecían suficientes, arrimoulles outros case 18 millóns de incorporación de remanentes. Pregunta canto foron capaces de gastar e en que o gastaron

O equipo de goberno di continuamente, e é unha evidencia palpable, que hai unha falta de persoal inmensa no Concello. Evidénciase tamén na Conta Xeral na que deixan sen executar máis do 26% do orzamento consignado a persoal funcionario e laboral. Máis de 1.800.000€ que deberían estar a servizo da contratación de persoal, ben necesario, e que o goberno municipal deixa sen executar, mentres deixa caducar Ofertas de Emprego Público. Por outra banda, excédese na contratación de persoal eventual, escollido a dedo polo goberno municipal, así como nas gratificacións, nas horas extra, que virán a colación noutro punto da Orde do Día, para as que existe un límite máximo legal para a súa dotación orzamentaria que o equipo de goberno excede en 2022, pero tamén en 2021, sen que aprobasen en Pleno as preceptivas modificacións orzamentarias para dotar esa partida. En 2022 pagáronse 165.697€ cando o límite inicial era de 21.646€. Sete veces máis da dotación orzamentaria sen que se modificase en ningún momento esa partida.

C.I.F. P-1503100-H

Pregunta como é posible que haxa necesidades na reparación, mantemento e conservación de infraestruturas, edificios, maquinaria... en todo, e queo goberno municipal deixara sen executar máis de 2.500.000 de euros nesas partidas.

Como é posible que se queixe o persoal da falta de material de oficina (hoxe mesmo o goberno municipal pretende aprobar un crédito extraordinario para iso mesmo) se en 2022 executaron menos da metade do orzamento que tiñan dispoñible para eses gastos.

Como é posible que non executasen en 2022 nin un só euro, nin un, en subvencións para o fomento do emprego, para os que tiñan máis de 300.000€. Di que o Sr. Alcalde era Deputado Provincial de Emprego naquel momento e lle pregunta se non tiña unha idea ou unha proposta para investir eses cartos.

Como é posible que dos 1.279.600€ dos que se dispoñía para subvencións a familias e entidades sen fins lucrativos se deixasen sen executar máis de 882.000€.

Como é posible que se deixasen sen executar máis de 16.500.000 de euros en investimentos para novas infraestruturas e para o mantemento das xa existentes.

Diríxese ao goberno municipal e lle pregunta novamente como é posible como lle explica aos veciños das Brañas e de Fonteculler que o único que fixo o goberno municipal pola cuberta do seu parque en 2022 e 2023 foi un debuxiño unha semana antes do Nadal para sacar na prensa cando tiñan 16.500.000 sen gastar na caixa, como lle explica ás veciñas da Fonte da Balsa que seguía mentindo cando dicía que ía comezar as obras da renovación e mellora dos accesos ao seu barrio antes da fin do ano cando tiñan 16.500.000 sen gastar na caixa, como lle pode explicar á veciñanza da Laxe que seguen sen dar un paso para construír unha alternativa á súa rúa pola que pasan centos e centos de vehículos a un palmo da súa porta mentres teñen 16.500.000€ na caixa sen gastar, como lle explica ás veciñas e veciños do Regueiro o lamentable estado do firme nas rúas Pomares e Xesto cando teñen 16.500.000€ na caixa, como explica o lamentable estado das beirarrúas do Concello, na que día si día tamén as veciñas e veciños sofren accidentes, mentres deixan sen gastar 16.500.000 de euros.

Mentres pregoaban a todo o que lles quixera oír que aprobaran o maior orzamento da historia do Concello de Culleredo, mentres tiñan á súa disposición máis de 45.000.000€, os membros do goberno municipal deixaron sen gastar case 8.000.000€ en investimentos en vías públicas, deixaron sen gastar máis de 2.000.000€ que deberían ir destinados ao mantemento e mellora dos parques e xardíns, deixaron sen gastar máis de 500.000 en alumado público, e case un millón de euros na rede de sumidoiros, mentres hai veciñas e veciños que seguen sen ter acceso a ese servizo básico; deixaron sen gastar case a metade do orzamento destinado á promoción cultural, e máis de millón e medio de euros destinados a instalacións deportivas e á promoción e fomento do deporte.

Lle pide ao Sr. Alcalde que llo explique aos clubs do Concello de Culleredo que sofren as instalacións en mal estado e as advertencias continuas das súas federacións, ou aos clubs que pasaron anos sen unha subvención municipal.

Lle pregunta se sabe para o que non lle chegaron os cartos que tiña orzamentados en 2022, e lle di que para as festas ou, o que é máis grave, se sabe cal foi o importe que deixaron sen gastar en asistencia social primaria mentres non lles chegaban os cartos para contratar orquestras, 2.444.065,98€, a cifra da vergonza, case 2.500.000 de euros sen gastar en cuestións como "Centros e Institucións de Servizos Sociais", "Servizos de apoio ás familias, cooperación, solidariedade e dinamización social", "Programas de axuda e asistencia domiciliar", "Programas de inserción social", "Programas de atención á

diversidade”, “Igualdade de xénero e centros de información á muller”, “vivenda tutelada para mulleres vítimas de violencia de xénero” ou en “mocidade”. Di que non o está inventando e que está lendo unha por unha as partidas orzamentarias nas que deixou sen gastar case 2.500.000 de euros, mentres non lle chegaban os cartos para contratar orquestras. Di que esas son as prioridades do goberno municipal.

Lle pregunta ao goberno municipal se sabe no que acertou perfectamente, na previsión e no gasto, e lle di que acertaron, até nos céntimos, na única partida orzamentaria na que non hai nin exceso nin defecto, na destinada a cumprir a sentenza que obriga ao Concello de Culleredo a pagar 1.118.384,65€ pola súa nefasta xestión do conflito legal para a devolución do Centro Loxístico de Ledoño a mans públicas, engadindo que non é que llo diga só o BNG, ou os grupos da oposición, senón que á conta xeral que se presenta neste punto acompañana uns indicadores que se entenden moi facilmente e que debuxan a realidade da súa xestión. O primeiro deles indica a execución do orzamento de gastos, que foi dun 49,60%, o que deixa ver que o goberno municipal foi quen de gastar menos da metade do orzamento do que dispoñía. Calquera veciño ou veciña entende que con estes cartos e cun goberno eficaz, tiña que estar Culleredo niquelao, falando de xeito coloquial, e non hai máis que mirar as rúas do Concello para ter ideas nas que gastar os cartos como por exemplo, na eliminación de pintadas, de tódalas pintadas e non soamente as que fan referencia ao alcalde.

Ao goberno municipal se lles enche a boca falando do orzamento, sacan todos os tópicos na prensa “o maior orzamento da historia”, “o orzamento máis social”, “o orzamento que responde ás necesidades da veciñanza”, cando a realidade é que mentres decidían deixar subvencións sen convocar, mentres decidían deixar sen investir fondos destinados aos servizos sociais, mentres decidían deixar rúas sen asfaltar e beirarrúas en mal estado, mentres decidían que había veciños que non merecían un servizo básico como o da conexión á rede de sumidoiros, mentres tanto, ao goberno municipal non lle chegaban os cartos para pagar as orquestras das verbenas, polo que é aí onde quedan retratados, onde quedan retratadas as súas prioridades.

A continuación solicita o uso da palabra a voceira do Grupo municipal do Partido Popular, Sra. García Gorostizu quen, unha vez concedido, di que, en primeiro lugar, e aínda que se trate da liña habitual de proceder do Sr. Alcalde e do seu equipo de goberno, debe referir o atraso do debate que se está a realizar e que non é de recibo, indo en contra da Lei, que a catro días de finalizar o ano os membros da Corporación se atopen debatendo a aprobación da Conta Xeral do ano 2022 cando debiera ter sido feito hai case tres meses; como é a nota habitual que caracteriza ao goberno municipal, preséntase tarde, mal e a rastro; consideran que o proceder do Concello de Culleredo, como administración pública, debe ser exemplar e exquisito na observación e o cumprimento da Lei e novamente, na liña habitual que os caracteriza, o goberno municipal transgrede, como fai por sistema, os preceptos legais cuxo cumprimento impoñen e exixen coactivamente aos veciños; pregunta se non é certo que se algún veciño se atrasara no pagamento de calquera imposto municipal o goberno municipal lle aplicaría por defecto o correspondente recargo; di que si, e que a Lei debe ser para todos, e o primeiro no seu cumprimento debe ser o Concello e, a pesar de que a Lei de Facendas Locais non prevé sancións polo incumprimento dos prazos referidos, hai que alertar que o Tribunal de Contas podería

C.I.F. P-1503100-H

requirir, e incluso incoar procedemento sancionador ao Concello por dito incumprimento en materia de rendición de contas.

Entrando en materia no que respecta aos propios estados contables, di que hai que referirse, unha vez máis, en consonancia co sinalado na propia memoria integrada nas contas anuais, á carencia do inventario de bens de titularidade municipal, cun detalle suficiente que permita a súa conciliación cos importes que figuran nas partidas de inmovilizado; consideran sumamente grave a indisponibilidade dun inventario de bens municipais, sobre todo no que concerne a terreos e bens naturais, pola inseguridade xurídica que produce ante posibles conflitos con terceiros acerca da titularidade dos mesmos e por motivos obvios de información e control acerca dos posibles usos dos mesmos.

Sobre a Conta propiamente dita, e sobre todo en relación coa liquidación do orzamento, di que se teñen que reiterar no que veñen denunciando desde fai xa varios anos xa que Culleredo vai á deriva co desgoberno local actual no que ninguén está ao volante; pode dicirse que o Concello de Culleredo está estancado pero vista a fría e triste realidade que reflicten as contas xa lles gustaría que así fora porque se atopan ante un absoluto e notorio deterioro que se proxecta directamente sobre a calidade dos servizos públicos que á súa vez incide na calidade de vida dos veciños e contribuíntes.

Entendendo o orzamento municipal como a plasmación económico-financiera do proxecto político e programación anual, así como o grado de cumprimento do mesmo, a conclusión é clara e patente: o goberno municipal carece de proxecto político para Culleredo e, sobre todo, adolecen dunha absoluta incapacidade e ineptitude para a execución dos escasos proxectos que presentan aos veciños; di que se refiren a un grado de execución do orzamento de gastos que nin sequera acada o 50% a pesar de contar cunha maioría absoluta da cal os veciños, á vista do desgoberno, lle desproveron nas eleccións municipais do pasado mes de maio; refírense a un grado de execución do orzamento de ingresos que apenas supera a metade do orzamentado o que pon de manifesto tanto a negligencia do goberno municipal como a súa imprudencia en materia orzamentaria ou a propia execución da mesma en detrimento novamente do interese xeral dos veciños e contribuíntes; refírense sobre todo á escandalosa ineficacia á hora de planificar a execución de proxectos para a mellora da calidade de vida dos veciños de Culleredo xa que o grado de execución dos mesmos apenas supera o 15% do importe presupostado; con eses datos de carácter superficial xa resulta claramente acreditada a disparatada planificación económica do equipo de goberno local e a indolente ausencia de xestión e control dos fondos públicos dos cidadáns que teñen a desgraza de sufrir o seu desgoberno ante o cal o Partido Popular xa fai tempo que esgotaron tanto os adxectivos para calificalo como a súa propia capacidade de asombro que es la tónica habitual dos últimos anos.

Profundizando no estado de liquidación dos gastos comprobamos que unha das poucas partidas para cuxa execución si foi o goberno moi eficaz foi a de órganos de goberno e persoal directivo na que gastaron un 55% máis do presupostado, tal e como tamén sucede no caso da partida de persoal eventual, tamén chamado persoal de confianza ou de libre e dereita designación por parte do goberno local, cun incremento do 36% respecto da contía presupostada, todo cobrado, sen que haxa nin un euro pendente a finais do exercicio, véndose que cando se trata do diñeiro do goberno municipal e do seu persoal de confianza, si hai eficacia.

C.I.F. P-1503100-H

Refírense tamén ao enorme descuadre existente, por aberrante, entre o importe presupostado en concepto de gratificacións aos empregados públicos e o gasto efectivo, que se multiplicou case por oito respecto dos importes previstos pese a que a carestía de persoal se vén arrastrando xa desde fai varios anos tal como constantemente argumenta o goberno municipal para escusar a súa propia incompetencia.

Como exemplo doutras partidas de gastos nos que foron singularmente eficaces foron as de atencións protocolarias, publicidade e propaganda, reunións e conferencias e xurídicos e contenciosos, nas que o goberno municipal gastou máis de 212.000 euros, dez veces máis que o presupostado para as mesmas; cando se trata doutro tipo de gastos, como os que realmente demandan os veciños porque inciden na súa vida cotiá e na calidade da mesma, as contas demostran que o goberno municipal non é tan dilixente pois partidas tan relevantes e imprescindibles como reparacións, mantemento e conservación de infraestruturas, o goberno municipal deixou sen executar case o 90% do importe presupostado, ao igual que fixeron con partidas para reparación e mantemento de equipos para procesos de información, actividades culturais e deportivas, subvencións para o fomento do emprego; empresas privadas cuxo grao de execución foi nada menos que testimonial e ás veces ridículo; mención aparte merece a partida de subvencións a familias e institucións sen ánimo de lucro tanto pola relevancia social da propia partida como por deixar sen executar 430.000 euros, case as dúas terceiras partes da partida correspondente, algo imperdoable e indecente; o goberno municipal presume de solidario, de preocuparse polos que menos teñen, de dar oportunidades aos máis desfavorecidos, de loitar contra a pobreza; con este goberno municipal non se sabe se os ricos se fan máis ricos pero o que está claro é que os pobres o son cada día máis e di que, noutras palabras, como o falso e vacío discurso do Sr. alcalde, hipocrisía pura e dura.

Di que das partidas de investimentos mellor non falar pois resulta sonroxante botar un primeiro vistazo ás cifras nas que se ve un 15% de execución, proxectadas en proxectos como 15 millóns de euros sen executar, máis do 95% do orzamento sen executar en reposición de infraestruturas, 2.100.000 euros en dotación de infraestruturas, tres cuartas partes do presupostado, e cero euros do presupostado en investimentos en edificios e outras construcións; di que podería seguir así toda a tarde e chegarían á mesma conclusión, que o goberno municipal non fixo nada e que nada se pode esperar del e mentres tanto, Culleredo sofre e se deteriora día a día.

Di que polo lado dos ingresos poden apreciar que o goberno municipal foi un pouco menos torpe pero só un 1% menos torpe porque hai que selo moito para errar case un millón de euros á hora de prever os ingresos de IBI pese a contar cun censo de IBI; di que se podería aplicar o mesmo aos ingresos pola plusvalía municipal, pola que unicamente se recadou o 37% da cantidade presupostada, ou ao ICIO, do que se recadou o 30% do previsto nos orzamentos; poden falar tamén da disparatada previsión de ingresos por taxas, prezos públicos e transferencias correntes; pregunta quen fixo os orzamentos porque non acertan nin por casualidade e nin por pura probabilidade se podería fallar tanto; di que como resultado dese descontrol, os veciños sofren día a día ese desastre que se proxecta no deterioro dos servizos públicos, das infraestruturas de Culleredo e na calidade de vida cotiá dos veciños; di que haberá quen diga que se ten o que se merece e engade que discrepa totalmente pois ninguén merece o despropósito do goberno actual, nin sequera os seus máis acérrimos seguidores.

Mentres veciños de concellos como Arteixo, Oleiros ou Cambre incrementaron sustancialmente os seus investimentos en materia de servizos sociais e promoción social, en Culleredo caese en picado desde fai varios anos, tal como se ve nas contas anuais que o goberno municipal pon a disposición da Corporación e non sabe se o Sr. alcalde se escusará dicindo que en Culleredo non hai persoas desfavorecidas.

Nos ingresos, e a pesar das cifras que amosa a Conta Xeral, Culleredo non destaca precisamente por ter a presión fiscal máis baixa de toda a área metropolitana senón todo o contrario e os veciños teñen que pagar un tipo de gravame dos máis altos de toda a área metropolitana, o que resulta totalmente incongruente con respecto aos servizos públicos que reciben.

En canto ao resultado do exercicio, houbo un superávit debido única e exclusivamente a que o goberno municipal foi quen de recadar máis do que foi capaz de gastar; pregunta a que se dedicou o equipo de goberno durante os últimos anos e en especial no último ano porque a xestión foi entre cero e nada; dito sen acritude e co debido respecto lles pide que dimitan e que se vaian tranquilamente para as súas casas pois o pobo llo agradecerá e a súa conciencia tamén, engadindo que o Concello lles queda moi grande.

De seguido fai uso da palabra o Sr. Alcalde-presidente e di que o que se trae a debater neste punto é a Conta Xeral, un documento eminentemente técnico que se fai desde a Intervención municipal facendo un balance da situación económica do Concello; o informe de Intervención é favorable; el xa estivo no lado da oposición e desde aí é moi fácil cuestionar todo e darlle o sentido que parece que agora lle queren dar e engade que explicar cada un dos puntos referidos polos voceiros que interviron neste punto levaría moitas horas e non é obxecto do debate que se trae neste punto; di que a modo de resumo quere explicar que no nivel de execución dos investimentos inflúen moitos factores e que para calquera Corporación é practicamente imposible facer os investimentos no mesmo ano nos que se aproba o presuposto porque ás veces os propios investimentos levan un ano ou un ano e medio conquistar os informes pertinentes e por iso cada ano se fan as incorporacións de remanentes e hai esas reservas de crédito para conseguir que, todas as obras orzamentadas no presuposto anterior se leven a sucesivos presupostos; di que é moi fácil desgranar a Conta Xeral por parte da Oposición pero que hai que ter en conta que a Conta Xeral engloba e recolle moitos outros aspectos que sen lugar a dúbidas poñerían moi en evidencia grande parte das cuestións referidas nesta sesión polos voceiros que xa interviron e pon como exemplo o pago a provedores no que o criterio actual de Intervención é totalmente distinto ao criterio que había anteriormente e agora, todas as débedas que haxa atrasadas por diferentes motivos están computando na media de pago a provedores e, polo tanto, se hai unha factura que, pola circunstancia que sexa, leva desde o ano 2018 ou 2019 sen pagar, afectará ao pago a provedores, o que non significa que á grande maioría dos provedores do Concello de Culleredo se lles estea pagando a 1000 días ou a 600 días senón todo o contrario pois a maioría deles cobran no tempo establecido; di que o documento que se presenta neste punto indica o pago a provedores que se indica debido ao motivo que vén de explicar, xa que hai facturas desde fai tempo que por diversos motivos como poden ser reparos, discrepancias ou calquera outro motivo, non están pagadas, aínda que si contan todas coa reserva de crédito necesaria para que, no momento en que se poida facer ese pagamento, se poida facer; di que a Conta Xeral o que trae é un resumo, e aclara que é un documento eminentemente

técnico acerca das cuestións recollidas no balance económico do Concello, engadindo que é favorable e que, se non se equivoca, non houbo ningunha alegación durante o prazo establecido, preguntándolle a continuación á Sra. Interventora municipal se está equivocado e houbo algunha; indica o Sr. alcalde que non houbo ningunha alegación e que non hai ningún motivo xurídico que determine que a Conta Xeral do Concello de Culleredo estea mal feita; di que as obras se tarda en facelas porque moitas veces hai que agardar informes de AESA ou de Patrimonio ou de Augas e iso ralentiza moito unha obra despois de ter feito o proxecto o que non significa que haxa unha parálise senón que se trata dunha situación totalmente adversa xa que o Concello de Culleredo, pola súa situación xeográfica, necesita na maioría dos casos de numerosos informes subsidiarios á hora de executar unha obra das que aparecen licitadas no perfil do contratante.

Di que o que se debate neste punto é un documento eminentemente técnico feito pola Intervención municipal e que nin desde a propia Intervención, nin desde a Secretaría municipal nin desde os Servizos Económicos ven a situación catastrófica que veñen de describir os voceiros intervenientes pero se se desmenuza a Conta Xeral vese como o goberno municipal sempre presuposta cincocentos mil euros máis dos que son necesarios para servizos sociais pero hai moitos veciños que, pola súa casuística persoal, non poden acceder a ese tipo de axudas e por ese motivo cada ano, da partida destinada a benestar social, sobran cartos non porque non se repartan equitativamente nin xustamente entre os veciños que máis o necesitan senón porque o que se fai é unha dotación orzamentaria moito maior da que se considera necesaria en aras a salvagardar calquera necesidade en relación co tema de benestar social.

En relación con outras das cuestións que mencionaron os voceiros intervenientes como son os pregos de contratación de servizos que están en marcha, como o de limpeza viaria, xa dixeron en moitas ocasións que efectivamente hai que licitalos e advirte de que no momento en que se liciten, seguramente, polas necesidades que hai nas diferentes rúas e situacións do Concello de Culleredo, haberá un incremento considerable na partida orzamentaria para ese investimento que hai que facer. Agarda que no primeiro trimestre do 2024 poida estar licitado.

Di que a el lle resultaría doado facer o desglose que está a facer a oposición pero que non van dimitir porque son conscientes de que todo é mellorable e tanto o BNG como o Partido Popular teñen na súa man a opción de presentar unha moción de censura e ser eles os que gobernen o Concello de Culleredo; di que a pode presentar o Partido Popular e ver con que apoios conta e lle recorda ao BNG o seu ofrecemento de acordo para gobernar desde o mesmo día das eleccións municipais para favorecer o benestar dos veciños e veciñas respecto da estabilidade económica dos orzamentos.

Di que non van dimitir, que hai cantidade de proxectos que teñen que saír adiante e que no orzamento hai incorporacións de crédito que se fan a metade de ano ou a finais de ano e que se proxectan pensando no ano seguinte por iso ás veces o nivel de investimento baixa xa que a Conta Xeral reflexa o que se fai dentro do ano natural. Di que ese é o xogo que lle permite á oposición falar coa propiedade coa que fala porque hai obras presupostadas no 2023 que non se poderán executar ata o 2024 ou incluso ata o 2025 e engade que el non vai entrar nese xogo e facer valoracións porque o fan, coas ferramentas das que dispoñen, o mellor que saben e o mellor que poden, e invita á oposición a que, se o pode facer mellor, que o faga xa que teñen todas as armas para poder desprazar ao goberno municipal e ocupar o seu sitio.

Deseguido solicita o uso da palabra o concelleiro do grupo municipal do Bloque Nacionalista Galego de Culleredo, Sr. Méndez Mosqueira quen, unha vez concedido, di que cómpre facer unha réplica porque o Sr. alcalde vén de dicir que o que se vén debater ao Pleno é a Conta Xeral e o Sr. alcalde di o que ten que facer a oposición pero non mencionou aos compañeiros do grupo municipal Alternativa dos Veciños, que tamén poden presentar unha moción de censura, polo que lle pide ao Sr. alcalde que lle dea a este grupo o lugar que lles pertence. Di que veñen debater neste punto a Conta Xeral e que tanto a voceira do grupo municipal do Partido Popular, Sra. García Gorostizu, como a voceira do grupo municipal Alternativa dos Veciños e el mesmo foi do que falaren porque o que se vén debater neste punto é a Conta Xeral, tanto na forma como no fondo pero o que quere o Sr. alcalde é que falen só do resultado, presumindo de contas saneadas, de que o goberno municipal ten vinte e tantos millóns de euros na caixa cando hai xente que está pendente de que arranxen as fochancas na súa estrada ou de que atendan os servizos sociais cando o Sr. alcalde presume de contas saneadas do único que está falando é de que ten un fracaso inmenso ás costas, de que ten a veciños e veciñas con demandas históricas ás que non dá cumprimento, tendo vinte e tantos millóns de euros na caixa, di que hai unha previsión, que hai investimentos plurianuais, e que o goberno municipal non é capaz de executar os do 2023 como para ser capaz de executar a catro anos vista; di que iso non se recolle no orzamento e que para o que non ten dificultades é para anunciar na prensa proxectos para os que non ten nin financiamento; lle di ao Sr. alcalde que el fala dun cambio de criterio da interventora e engade que os responsables da Intervención municipal, tanto no Concello de Culleredo como en calquera outro, o que fan é aplicar a Lei e que non teñen criterios nin cambios de criterios pero que o que lle pasa ao Sr. alcalde é que non lle gusta que se aplique a Lei; lle di ao Sr. alcalde que se lle enche a boca falando de respecto e lle aclara que o que non é respectuoso, e polo tanto lle debera avergoñar, é dicir que cada ano orzamentan medio millón de euros máis dos que fai falta en servizos sociais e o deixan sen gastar cando hai xente que leva tres meses agardando por unha cita en servizos sociais para que a atendan; di que ese é o resumo da Conta Xeral do alcalde, o seu gran logro, ter a caixa chea e a xente buscándose a vida na rúa.

Seguidamente solicita de novo o uso da palabra a voceira do Grupo municipal do Partido Popular, Sra. García Gorostizu quen, unha vez concedido, di que a ela ao escoitar ao Sr. alcalde case se lle saltan as lágrimas de preocupación porque cando unha persoa está sendo consciente do fracaso da súa xestión debera poñer medios para melloralo e o problema do Concello de Culleredo e que o alcalde pensa que o fai ben e segue igual; lle di que non o está a facer ben e que o resultado da Conta Xeral amosa que o goberno municipal non é quen de executar nada e lle pide que se poña a traballar e a sacar as cousas adiante para os veciños de Culleredo.

A continuación fai uso da palabra o Sr. alcalde-presidente e di que considera que ao falar do tema económico dun Concello se deberan ter as cousas un pouco máis preparadas e non prestarse a demagogia, engadindo que habería que saber como se fai un presuposto, coñecer a Lei de facendas locais, saber por que hai quince, dez, doce, cinco millóns de euros nunha conta bancaria ou en dúas ou en tres, porque eses cartos precisamente están reservados para obras que aínda están pendentes e recorda que houbo unha Lei que non permitiu gastar os cartos ata fai dous anos e di que todo o que se puido poñer no

presuposto está posto e prorrogado para poder facelo; pide que cando se fale de Facenda Local, dun presuposto, dunha Conta Xeral, se faga cun pouquiño máis de propiedade; di que el non vai ao Pleno a facer populismo, nin demagogia e considera que a Sra. García Gorostizu o entendeu mal, lembrándolle novamente que ela ten ferramentas para poder ocupar a Alcaldía e que o goberno municipal acaba de arrancar con esta lexislatura e ten que poñela a funcionar, para o que ten que contar con toda a Corporación municipal; di que o Concello non é unha empresa privada na que se gastan os cartos cando se quere e como se quere e ve como certos membros da oposición non toman en serio a economía do Concello e saben redactar moi ben e facer discursos para quedar cun nivel de lucimento aceptable pero di que as cousas son máis complicadas e que iso se ve cando se está na Alcaldía porque el, cando chegou a dito posto, atopouse con que no Concello había unha débeda de vinte e dous millóns de euros e hoxe hai máis de vinte millóns nas arcas municipais, correspondendo ao seu goberno ese cambio.

C.I.F. P-1503100-H

Deseguido solicita o uso da palabra o concelleiro do Grupo municipal do Bloque Nacionalista Galego de Culleredo, Sr. Méndez Mosqueira quen, unha vez concedido, di que xa están acostumados a que o Sr. alcalde lle falte ao respecto ao traballo dos grupos da Oposición dicindo que non traen preparados os asuntos e engade que eles si os traen ben preparados, preguntándose se os membros do equipo de goberno os traerán tan ben preparados como os membros da oposición; o Sr. alcalde falou de que había que falar con propiedade no tema da Facenda local e lle di que o que hai que falar é sen hipocrisía e con algo de coherencia porque desa lei da que fala o Sr. alcalde, a “Lei Montoro”, Lei de estabilidade orzamentaria e sostenibilidade financeira, o compañeiro do PSdG-PSOE, Sr. Diego Taibo, levou ao pleno unha moción para que, entre todos, se lle propuxera ao goberno estatal do Partido Popular que se derogara a Lei Montoro porque efectivamente poñía moitos límites ao gasto na administración local; aquel compañeiro foi despois deputado en Madrid e pregunta a todos os membros da Corporación se algún notou que Culleredo tiña un ministro en Madrid porque el no único en que o notou foi no desfile de ministros e ministras en Culleredo na campaña electoral; di que ese compañeiro, deputado en Madrid, non moveu nin un so dedo para derogar a Lei Montoro polo que si cómpre falar con coherencia e transmitirle esa coherencia aos compañeiros do equipo de goberno.

Seguidamente o Sr. alcalde-presidente fai uso da palabra e di que, dado que o Sr. Méndez Mosqueira aludiu ao seu compañeiro, quere dicir tamén que no momento en que o Sr. Taibo foi deputado en Madrid facía falta o voto do BNG e votaron en contra dos orzamentos e por iso non se puideron facer as cousas; di que o Sr. Diego Taibo votou a favor de obras na Ría ou de facer unha senda desde o aeroporto ata Alvedro pero o BNG votou en contra; di que el non di que a oposición non traia as cousas preparadas senón que falta rigor xurídico na exposición.

VOTACIÓN

Rematadas as intervencións, a Presidencia somete a votación ordinaria a proposta de acordo transcrita, sendo o resultado da mesma o seguinte: **10 VOTOS EN CONTRA** dos concelleiros e concelleiras do Grupo Partido Popular de Culleredo (7), dona Izaskun García Gorostizu, don Marco Antonio Pazos Regueiro, don Juan

Carlos Leites Maneiro, don José Antonio Golpe Faraldo, dona Vanesa Fernández González, don Antonio Bouza Teijeiro e don Manuel Núñez Seoane e do Grupo Municipal do Bloque Nacionalista Galego de Culleredo (3), don Enrique Antonio Chouciño Garrido, don Gonzalo Méndez Mosqueira e don Xabier Fernández Villarrenaga Vázquez, **2 ABSTENCIÓNS**, dos concelleiros e concelleiras do Grupo Municipal Alternativa dos Veciños (2), dona Indrani Thais Palla Maceiras e don Miguel Fraga Pulleiro e **7 VOTOS A FAVOR** dos concelleiros e concelleiras do Grupo Político do PSdG-PSOE (7) don José Ramón Rioboo Castro, dona Cristina Pardo Portos, don Carlos Liñares Gestal, dona María Penélope López Díaz, Don Juan Carlos Iglesias Lovelle, dona Marta María Figueroa Fuentes e don Mario Alfonso Iglesias Gómez polo que queda **REXEITADA a devandita proposta**.

2.- APROBACIÓN DEFINITIVA DO EXPEDIENTE DE SUPLEMENTO DE CRÉDITO E CRÉDITO EXTRAORDINARIO FINANCIADO CO REMANENTE LÍQUIDO DE TESOURARÍA PARA GASTOS XERAIS DERIVADO DA LIQUIDACIÓN DO ORZAMENTO DE 2022. RESOLUCIÓN DE ALEGACIÓNS (EXPTE. UEH/2023/28)

C.I.F. P-1503100-H

A Presidencia somete a debate e votación do Pleno a proposta da Alcaldía, de data 15 de decembro de 2023, con código de documento UEH17I00A3, sometida a ditame da Comisión Informativa Permanente de Presidencia de data 20/12/2023, que se transcribe no seu literal, dando lectura á proposta de acordo o Sr. secretario municipal:

“PROPOSTA

Aprobación definitiva de expediente de suplemento de crédito e crédito extraordinario financiado co Remanente Líquido de Tesouraría para gastos xerais derivado da liquidación do Orzamento de 2022.

O Pleno do Concello, en sesión celebrada o día 31 de outubro de 2023, aprobou inicialmente un expediente de crédito extraordinario e de suplemento de crédito, modificando así o Orzamento da Entidade para o exercicio de 2023.

No Boletín Oficial da Provincia de A Coruña de 16 de novembro de 2023 publicouse o anuncio da devandita aprobación inicial do orzamento e da apertura dun prazo de quince días hábiles durante o que os interesados puideron examinar o expediente e presentar as reclamacións que consideren oportunas.

Durante o devandito prazo, presentáronse as seguintes reclamacións contra a aprobación da devandita modificación:

- Escrito de alegacións presentado por dona María Esther Zas Prado. Rexistro de entrada 13173 de 11 de decembro de 2023

- Escrito de alegacións presentado por don José Miguel Edreira Martínez.
Rexistro de entrada 13186 de 11 de decembro de 2023

Visto o informe (código de documento UIT17I021I) emitido pola interventora xeral que constan no expediente, as mesmas non son susceptibles de admitirse a trámite, ou no seu caso desestimarse, por non atoparse dentro dos supostos establecidos no artigo 170.2 do TRLFL.

O acordo de aprobación inicial do modificativo de crédito incluíu unha emenda por medio da cal se modificou o apartado 1 da base 3 das bases de execución do orzamento, que quedou redactada so seguinte forma:

“BASE 3. Nivel de vinculación xurídica dos créditos.

1. Establécese como nivel de vinculación xurídica dos créditos, o subprograma a nivel de clasificación por programas e a partida a nivel da clasificación económica.”

Visto o informe (código de documento UIT17I021S) emitido pola interventora municipal no que pon de manifesto que “NON é posible garantir a plena execución do acordo adoptado, sen garantir, a súa vez, que podan ser solventadas todas as consecuencias expostas derivadas do mesmo”, considérase que o máis acaído é deixar sen efecto a devandita modificación e, no seu lugar, adoptar o acordo de que con cargo á modificación só se poidan executar os gastos determinados especificamente no acordo de aprobación inicial.

C.I.F. P-1503100-H

En base a todo o cal PROPONSE ao Pleno a adopción do seguinte

ACORDO:

Primeiro.- Coa finalidade de evitar os problemas postos de manifesto pola interventora no seu informe con código de documento UIT17I021S, deixar sen efecto a modificación da base 3ª das de execución do orzamento acordada polo Pleno na sesión celebrada o 31 de outubro de 2023 e establecer que os créditos incrementados como consecuencia da entrada en vigor do crédito extraordinario e do suplemento de crédito non incrementen o saldo da bolsa de vinculación na que estean incluídos, de tal forma que con cargo aos mesmos só poidan ser executados os gastos específicos e determinados detallados no acordo de aprobación inicial. A tales efectos, no momento en que entre en vigor a modificación do orzamento practicaranse as correspondentes retencións de crédito nas partidas orzamentarias afectadas e polos importes da modificación acordada con cargo ás que só poderán ser autorizados os gastos que foron determinados no acordo de aprobación inicial.

Segundo.- Rexeitar as alegacións presentadas xa que a elaboración e aprobación da modificación do Orzamento axustouse aos trámites establecidos na Lei das Facendas Locais, non omite o crédito necesario para o cumprimento de obrigas esixibles á Entidade Local en virtude de precepto legal ou de calquera outro título

lexítimo nen os ingresos manifestan insuficiencia con relación aos gastos presupostados ou ben destes respecto ás necesidade para as que estea previsto.

Terceiro.- Aprobado definitivamente a concesión dun crédito extraordinario e dun suplemento de crédito por medio da cal se modifica o orzamento para o exercicio 2023.”

A Presidencia fai uso da palabra e di que este punto é o que se trouxo no mes de outubro para poder incrementar o orzamento destinado a investimentos do ano 2023 e tamén para o pagamento de diferentes facturas, gratificacións extraordinarias, etc, que están pendentes de aboamento aínda contando con crédito suficiente; di que no pleno anterior, a instancias do BNG, tanto o BNG como o Partido Socialista votaron favorablemente a unha emenda que presentaba o BNG e que pon de manifesto a interventora que non facilitaría as cousas a nivel de Intervención á hora de realizar os pagos tal e como se pon de manifesto no que vén de ler o Secretario xeral, polo que considera que se debe retomar esa postura; di que as alegacións presentadas foron sometidas ao criterio da interventora municipal e dos servizos económicos e non entran dentro dos preceptos comprendidos como alegación polo que a proposta é rexeitalas.

De seguido a Presidencia abre a quenda para o DEBATE.

C.I.F. P-1503100-H

Solicita o uso da palabra a voceira do grupo municipal Alternativa dos Veciños, Sra. Palla Maceiras quen, unha vez concedido, di que na aprobación inicial do expediente que hoxe se trae a pleno para a súa aprobación definitiva Alternativa dos Veciños explicou cal era o sentido do seu voto, a abstención, esgrimindo así mesmo cales eran os motivos que fundamentaban dito sentido indicando, por un lado, que non votarían en contra por unha cuestión de responsabilidade política, entendida tal responsabilidade como aquela que supón non prexudicar ao interese común e, por outro lado, dicían que non podían votar a favor, resumindo os seus argumentos porque non se lles tivera en consideración á hora de confeccionar os termos do referido expediente.

Os membros do seu Grupo municipal son de palabra e as decisións que se adoptan son estudadas co detemento que require a responsabilidade que asumiron aceptando o seu cargo de concelleiros e que por iso van manter o sentido do seu voto, engadindo que lles gustaría aproveitar a ocasión para trasladar a súa preocupación como concelleiros e como veciños sobre algo que xa adiantaron no pleno do mes de outubro no que se levou a cabo a aprobación inicial do expediente que se está a tratar, cal é a falta de responsabilidade e dilixencia debida que observaron por parte do Sr. Alcalde á hora de tomar decisións de especial relevancia pois nese pleno puideron comprobar que nun momento inicial o Sr. Alcalde, así como a concelleira Marta Iglesias, advertían que podería ocorrer o que máis tarde corroborou a interventora municipal, é dicir, que se se aprobaba a emenda que presentaba o BNG deviría difícil a súa aplicación; sen embargo, minutos despois decidiuse facer caso omiso a dita argumentación para decidir votar a favor da emenda, aprobando de inicio deste modo algo que xa se sabía resultaría de difícil ou imposible aplicación.

Lles preocupa esa cuestión pero tamén lles preocupa na mesma medida que se siga sin contar coa oposición para adoptar decisións, xa que a raíz do informe de intervención, onde se desaconsellaba o acordo aprobado, e dado o tempo transcorrido desde outubro ata o día de hoxe, tivera sido o momento perfecto para cumprir coa palabra dada en varias

ocasións desde o inicio do mandato e reunirse coa oposición para contar co seu criterio ao respecto, realizar as negociacións que puideran resultar necesarias e desde aí poder establecer acordos.

Guste ou non os veciños de Culleredo, nas últimas eleccións municipais, quixeron que a representación da corporación municipal estivese repartida de tal maneira que ningún partido contase con maioría absoluta, o cal significa que, guste ou non, quedan catro anos por diante para poder chegar a acordos que permitan tomar decisións en favor dos veciños e veciñas de Culleredo e que todos se sintan representados neles; para eles chegar ao pleno e que unicamente se pretenda que voten a favor de decisións tomadas por outros lles parece que está moi lonxe do concepto de acordo que manexan e moi lonxe tamén do que os veciños que confiaron o seu voto agardan deles.

Por todo o anterior, queren aproveitar o momento para invitar á reflexión ao goberno municipal e que, tal e como están a facer eles nese momento, cumpran coa súa palabra e contén coa oposición para sentarse a falar, negociar e tomar as decisións oportunas para que a xestión política do mandato municipal actual avance en favor do que os veciños e veciñas de Culleredo decidiron o pasado mes de maio pois de nada servirá e fraco favor lles farán aos mesmos se se omite o que eles pediron; remata a súa intervención dicindo que de momento se está a tempo de cambialo e pide que o goberno municipal reflexione.

De seguido fai uso da palabra o Sr. alcalde-presidente e di que está bastante de acordo coa reflexión feita pola Sra. Palla Maceiras e que, respecto do punto relativo á emenda presentada polo BNG, o goberno municipal tivo o informe en vésperas da comisión informativa celebrada o pasado mércores e pensaba que a aprobación do mes de outubro afectaría soamente ao crédito referido na incorporación de crédito aprobada na proposta e non a outras partidas e resultou que non é así e a interventora fixo a advertencia nun informe xa que levalo a cabo complicaría moitísimo o traballo desa área.

Seguidamente solicita novamente o uso da palabra a voceira do Grupo municipal Alternativa dos Veciños, Sra. Palla Maceiras quen, unha vez concedido, lle di ao Sr. alcalde que agradece que estea de acordo con ela e que isto é algo que xa lle dixo noutras ocasións e pide que non se quede so en palabras e se consolide en feitos e se lles teña en conta pois o contrario de nada serviría; respecto do que vén de dicir o Sr. alcalde di que ela ten boa memoria e se pode ver a acta correspondente porque cando se falou deste asunto no mes de outubro non se refería so ao modificativo de crédito e nesa sesión o Sr. alcalde xa advertía que afectaría ao resto do orzamento e que sería moi difícil a súa execución.

A continuación solicita o uso da palabra o voceiro do grupo municipal do Bloque Nacionalista Galego de Culleredo, Sr. Chouciño Garrido quen, unha vez concedido, di que suplementar o orzamento é unha modificación do orzamento que debera estar aprobado o 1 de xaneiro de cada ano e o que na sesión se debera estar debatendo non é un suplemento de crédito do orzamento do 2023, unha situación absurda ou kafkiana, senón que se debera estar debatendo o orzamento para o ano 2024 para que a comezos de ano houbera xa partidas aprobadas para executalas inmediatamente porque aprobar o orzamento, como xa se ten feito, no mes de marzo, ou no mes de xuño, ou no mes de setembro, deixa moi pouca marxe e leva ao que se escoitou fai un momento, que é moi

difícil; neste caso estase discutindo a ampliación de partidas do orzamento do 2023, tramitación que ten tres fases: unha aprobación inicial que se fixo o mes pasado, despois ten unha exposición pública, e tras ese período, no caso de que houbera alegacións, ten que someterse a aprobación definitiva que é o que hoxe se debate na sesión; lembra que non hai presentado un orzamento para o 2024, algo totalmente anómalo; di que en Culleredo, os sucesivos gobernos do PSOE tiveron unha tradición que foi desglosar moi pouco as partidas, desglosándoas a niveis moi altos e someténdoo a nivel de vinculación de capítulo, ao nivel máis alto, tradición que o BNG quere romper e así evitar que calquera cuestión que estea reservada para un determinado gasto non acabe noutro distinto e que calquera cambio que se queira facer teña que ser dunha forma máis seria que o de ata agora que era unha decisión da Alcaldía sen máis; esa era a emenda do BNG do pasado mes, baixar o nivel de vinculación e evitar ese problema; votaron favorablemente porque se votou a emenda do BNG e non lle parece que se teña que estar falando de modificacións ou suplemento de orzamento a cinco días fala moito da incapacidade do goberno municipal pois con cinco días é moi difícil gastar os cartos que agora se suplementan véndose como efectivamente, se trataba de cartos que xa estaban gastados sen crédito e, polo tanto, de maneira irregular; di que aínda así, como viron que se trataba de cuestións moi demandadas pola veciñanza (deportes, material de oficina, etc.) fixeron o esforzo de que houbera cartos para todas esas cuestións condicionándoo ao que vén de explicar.

C.I.F. P-1503100-H

Hoxe preténdese aprobar a modificación para pagar cuestións como actividades en centros educativos que xa se levaron a cabo, actuación teatral e musical que xa se levou a cabo, actividades para o fomento das festas tradicionais como o Samaín que onde vai xa, torneos deportivos que xa se celebraron, campañas informativas do 25N que xa se celebrou, alugueiro de instalacións deportivas para actividades que xa se celebraron, acondicionamento de porterías, redes, marcadores, etc., que xa están instaladas, horas extraordinarias do persoal que xa foron realizadas, material de oficina que di que agarda que o persoal do Concello xa conte con el e a 5 días de rematar o ano non estea agardando polas carpetas e fundas plásticas que veñen demandando. Lle di ao Sr. alcalde que queda en evidencia e que queda en evidencia tamén que, ou non sabe el nin o seu equipo de goberno elaborar un orzamento, ou ben teñen as prioridades bastante erradas, ou ben que gastaron os cartos onde non debían en lugar de en cuestións básicas como as que el vén de nomear, sendo o miolo do asunto que agora teñen un problemón para poder pagar todas esas facturas e non caeron na conta aínda que a veciñanza de Culleredo decidiu no mes de maio quitarlles a maioría absoluta coa que o goberno municipal viña gobernando o Concello de maneira absolutista; pensan que poden seguir facendo o que lles pete, e vai sendo hora xa que caian na conta de que xa non é así.

Cómpre aclarar á veciñanza que está presente na sesión e á que ve o pleno a través das redes que o problema non é a falta de cartos pois Culleredo ten o maior orzamento da historia en mans dun equipo de goberno que tamén ocupa récords na porcentaxe de execución deses mesmos orzamentos pero os récords dos que fala son por abaixo, polo pésimo nivel de execución, é dicir, que lle meten pasta a moreas no orzamento, sacan un titular na prensa falando de orzamento histórico, orzamento millonario, e despois non son quen de empregar eses cartos para poñer a funcionar servizos e proxectos de investimento para atender as necesidades da veciñanza; di que pode ser que non poidan, que non saiban ou que non lles dea a gana de facelo ben e repite que o goberno municipal

está acostumado a facer o que lle peta e non se lles pon a cara nin minimamente rubia cando a interventora e a tesoureira municipais din nos seus informes que durante o ano 2022 puxeron máis de 300 reparos ás propostas de gasto do goberno municipal, indicando, na súa amplísima maioría, que non se están a seguir os procedementos legais para a contratación no Concello de Culleredo; di que mesmo no último pleno de hai unhas semanas a interventora daba conta do seu informe de control financeiro para o exercicio 2022 da necesidade inmediata de elaborar un plan de acción para “adoptar medidas para subsanar as debilidades, deficiencias y errores que se han puesto de manifiesto, en relación a los incumplimientos de la Ley 9/2017, de 8 de noviembre, de contratos del sector público, que se vienen produciendo y reducir la contratación menor, acudiendo a ella sólo de forma extraordinaria, a lo que escape de una ordenada planificación.” Di que iso non é unha novidade nin o di tampouco a interventora exclusivamente xa que o propio Consello de Contas de Galicia emitiu informe a principios do ano 2023 sinalando claramente un aumento exponencial e desmesurado dos gastos con reparos de Intervención desde que o Sr. Rioboo é alcalde; cando o Sr. Rioboo accedeu á Alcaldía no ano 2017, a Intervención emitía reparos a un 5,61% do total do gasto, en 2018 xa era do 32,12% e no 2019 un 46,07%, sendo curioso que 2019 tivera sido un ano electoral; pregúntase cal será esa porcentaxe en 2023, tamén un ano electoral, e di que haberá que agardar a que se presente a Conta Xeral do ano 2023.

Toda esa análise da forma de proceder do goberno municipal levou a que o Grupo municipal do BNG de Culleredo presentara unha emenda á aprobación inicial do crédito extraordinario e suplemento de crédito que hoxe pretenden aprobar definitivamente, presentando unha emenda que o grupo de goberno apoiou votando a favor dela cada un dos representantes do PSOE, propoñendo unha modificación das bases de execución do orzamento e, para que todo o mundo o entenda, di que se fixo porque no orzamento municipal pódese ver unha partida específica para “Mantemento e Conservación do Mobiliario en Parques e Xardíns” ou unha partida para a “Promoción e fomento do Deporte” e despois forman parte de bolsas que fan que eses cartos se poidan usar para iso ou para outras cousas e, coa súa emenda, lograban detallar moito máis esas bolsas ate axustalas para que os cartos tiveran que dedicarse verdadeiramente aos fins indicados nas partidas orzamentarias.

Desde o BNG entenden que as partidas que traen agora para o crédito extraordinario e suplemento de crédito que se presenta neste punto corresponden efectivamente a servizos e bens básicos pero di que o goberno municipal “é o responsable de que as partidas reservadas para estes gastos estean esgotadas, que é responsable tamén de que os cartos destinados a ditas partidas se destinasen a outras cuestións, probablemente relacionadas coa súa estratexia electoral, que é responsable tamén de atrasar a dotación de crédito para o pago desas partidas até o día 26 de decembro e que é responsable tamén de que os gastos para os que hoxe pretenden dotar o orzamento de crédito contén xa con reparos de intervención por ter realizado os gastos sen contar con crédito suficiente.

O BNG é una forza política razoable, con principios asentados, dialogante pero que entende a política como a ferramenta para mellorar a vida da xente, e para mellorar a vida da xente en Culleredo, para que se poidan poñer por diante as necesidades das veciñas e veciños do Concello de Culleredo por riba dos intereses do propio goberno, para que as veciñas e veciños teñan as ferramentas para poder reclamar do seu goberno municipal os

continuos incumprimentos no anuncio de obras que nunca chegan, de servizos públicos que non se cumpren porque están sen contrato, para que se poida poñer orde no Concello; di que é imprescindible dotar de ferramentas de control ao orzamento para que deixen de empregar as arcas municipais como se fosen a súa propia carteira, un saco do que sacan cartos cando lles peta para o que lles peta. Repite que o goberno municipal no mes de outubro votaron a favor da emenda do BNG para modificar as bases de execución e agora pretenden que deixen aquel acordo plenario sen efecto, que aproben o crédito extraordinario e suplemento de crédito e que se deixen de parvadas, que lles sigan deixando gastar e facer cos cartos de todos o que lles pete; di que o goberno municipal quere quedar coa parte do acordo que lle convén e desbotar a que lle pon paos nas rodas para ter un mínimo control sobre a súa execución do orzamento. Repite outra vez que o goberno municipal aínda non caeu da póla de que no mes de maio a veciñanza decidiu quitarlle a maioría absoluta coa que viña gobernando o Concello de Culleredo de maneira absolutista.

O goberno municipal fai referencia na súa proposta ao informe emitido pola interventora a respecto do cumprimento do acordo adoptado no mes de outubro e lle di que desde o BNG leron ese informe con pausa e moita calma e que a interventora fai o seu traballo, absolutamente, advertindo que non será “posible garantir a plena execución do acordo adoptado sen garantir, a súa vez, que poidan ser solventadas todas as consecuencias expostas derivadas do mesmo, o que poño en coñecemento do Pleno municipal, aos efectos da súa consideración”. Di que as consecuencias das que fala a interventora o que supoñen é unha cantidade inxente de traballo no seu departamento para adaptar o orzamento, de xeito que dea cumprimento ao acordo que votou o goberno municipal favorablemente no pleno do mes de outubro, máis que nada porque teñen tres días laborais para facelo. Di que entenden acaída a advertencia da interventora, sobre todo porque o cumprimento do acordo terá consecuencias nos informes que acompañen á Conta Xeral do exercicio 2023, e así o debe indicar. Pregunta se a interventora di que o acordo adoptado no mes de outubro sexa irregular, e di que non, que non o di. Pregunta tamén se a interventora di que o acordo adoptado no mes de outubro non se puidese adoptar, e di que non, que non o di.

Repite que o goberno municipal é o único responsable de ter excedido os créditos recollidos no orzamento para eses gastos, porque saberase cando veña a Conta Xeral a onde foron eses cartos, e é o goberno municipal o único responsable de que a modificación do orzamento que se propón teña chegado para a súa aprobación a 5 días da fin do exercicio.

A día de hoxe, 26 de decembro, poden xa certificar que un ano máis o Concello de Culleredo comezará o ano con orzamentos prorrogados e non será porque o BNG non lles dixera en múltiples ocasións que trouxeran a súa proposta ou que amosaron a súa disposición a presentarles as súas propostas e as propostas da veciñanza para os novos orzamentos de 2024, que son fundamentais para poñer en marcha o Concello de Culleredo. Pero o goberno municipal non fai máis que mentir cando a súa concelleira de Facenda e o propio alcalde din que os presentarían en outubro, despois en novembro, despois antes da fin do ano, e estase a 26 de decembro agardando por eles polo que se pode certificar que a partir do 1 de xaneiro prorrogaranse en Culleredo os orzamentos do 2023 e o goberno municipal o que quere é seguir gastando sen control eses orzamentos

millonarios dos que presumen pero que a veciñanza non ve traducidos en melloras no seu día a día nin nos servizos e instalacións municipais.

O goberno municipal non quere que se dea cumprimento ao acordo adoptado no mes de outubro, modificando as bases de execución do orzamento, porque dito acordo limitará a súa capacidade para poder facer cos cartos de todos o que lles pete, sabendo perfectamente o que deben, teñen e non lles quedará outra que facer que é presentar uns orzamentos para o 2024 negociados coas forzas da oposición xa que rematou a maioría absolutista do Sr. Rioboo e xa vai sendo hora que caia da pola.

Por todo o que vén de expoñer é polo que o BNG propón unha emenda para que o goberno municipal elimine o punto primeiro da proposta que procura deixar sen efecto o acordo de modificación da base 3ª das bases de execución e repite que o goberno municipal votou a favor dese acordo, e que se manteñan os puntos segundo e terceiro para, efectivamente, aprobar o crédito extraordinario e suplemento de crédito que permita proceder aos pagos nas partidas sinaladas engadindo ao final do punto terceiro, para que non dea lugar a dúbida, se engada un parágrafo que diga o seguinte: "así como a modificación das bases de execución do orzamento aprobadas inicialmente no pleno do 31 de outubro de 2023", anunciando que, de non aceptar dita emenda, o voto do BNG será en contra da proposta que se presenta neste punto.

C.I.F. P-1503100-H

A continuación fai uso da palabra o Sr. alcalde-presidente e di que a proposta que se presenta neste punto para nada intenta alterar o acordo adoptado no mes de outubro pero púxose en evidencia que dito acordo ía dificultar os pagos de nóminas e facturas; efectivamente no vindeiro ano haberá que reunirse para, no primeiro trimestre, sacar adiante o orzamento para o ano 2024; di que non hai ningunha mala intención no informe referido da Sra. Interventora e que simplemente ela aconsella o que se debera facer con respecto a emenda presentada no mes de outubro polo BNG; di que o que vén de dicir o Sr. Chouciño é o mesmo que recollía o punto coa emenda, é dicir, retirar o punto número 1 e deixar o acordo como estaba, sen tocalo; di que se traen ao pleno moitas cuestións que, atendendo ás bases de execución do orzamento, se poderían facer por resolución da Alcaldía pero non quixeron facelo así e quixeron que fora o pleno o que o acordara; di que as bases de execución din que todos os incrementos hai que levalos a Pleno e por iso se trouxo este punto; di que o modelo proposto polo BNG afecta a todo, e unha vez que se fai o cálculo para incrementar unha partida determinada, dito modelo presenta o problema de que xa non se pode volver a modificar, o que implica un problema de operatividade bastante significativo porque esas incorporacións de crédito si se prorrogan para o vindeiro ano e por iso propón, sen desvirtuar a emenda proposta polo BNG, tendo en conta ademais que o criterio de Intervención é ese, que as partidas de destinen ao fin para o que foron aprobadas, estando agora debatendo o orzamento aprobado para o 2023. Di que entende o que propón o BNG pero suporía un nivel de vinculación de todas as partidas (máis de 900) que habería que poñerse a dotar céntimo a céntimo para poder mover o orzamento municipal; di que para o vindeiro orzamento haberá que poñerse de acordo e reunirse intentando un acordo unánime de todos e aí si que se podería poñer o nivel de vinculación proposto pero solicita, por operatividade e axilidade na administración, que o suplemento de crédito que se propón se manteña na proposta presentada no mes de outubro porque hai provedores pendentes de cobrar e manter a proposta axilizaría moito o proceso.

Seguidamente solicita o uso da palabra a voceira do grupo municipal do Partido Popular, Sra. García Gorostizu quen, unha vez concedido, di que quere explicar en primeiro lugar, para quen non o saiba, como foi a aprobación inicial deste modificativo de crédito; o BNG dá o seu apoio á aprobación inicial, vinculando o seu voto a favor á aceptación dunha emenda que modifica as bases de execución do orzamento; inicialmente, tanto a concelleira de Facenda como o Sr. alcalde, recalcan que tecnicamente non se pode aceptar a emenda polo que o BNG no aprobaría inicialmente este modificativo; o Sr. alcalde aínda non sabía o que ía dicir o Partido Popular, grupo que intentou coñecer con exactitude en que se ía gastar ese suplemento, se eran actuacións xa realizadas ou estaban por realizar, que se especificara en maior detalle a onde ían eses cartos; intentaron chegar a acordos reuníndose en dúas ocasións coa concelleira de Facenda, o solicitaron tamén na comisión e finalmente, no Pleno, solicitaron que a proposta quedara sobre a Mesa e reunirse goberno e toda a oposición para, xuntos, chegar a acordos e sacar adiante a aprobación do suplemento; pero o grupo municipal do Partido Popular atopouse coa incapacidade do alcalde ao diálogo, do que fala sempre pero despois é incapaz de levalo a cabo, e vendo que o Partido Popular non aceptaba a proposta, o alcalde volveu á proposta do BNG e díxolle que si, que aceptaba a súa emenda; o Sr. alcalde, facendo gala do máis absoluto descoñecemento e neglixencia, acepta o que propón o Bloque a fin de dar unha saída a súa incompetencia municipal pero agora atópase coa sorpresa, para a aprobación definitiva, novamente, e pretende a súa aprobación deixando sen efecto a emenda, poñendo de manifesto unha vez máis a total e absoluta falta de responsabilidade e rigor, tanto en materia de planificación como de xestión e, por suposto, de control dos fondos públicos e, o que é máis grave, demostrando que a súa palabra non é válida; di que o máis preocupante é que o goberno municipal xa gastou uns cartos dos que non dispón, do que non tiñan nin partida orzamentaria consignada pois non teñen aínda a aprobación definitiva dese suplemento.

Recóllense 76.000 euros máis en festas populares cando xa o presuposto nesta partida se aumentara un 550% máis, con respecto a anos anteriores, por ser ano electoral; 121.000 euros en Desenvolvemento empresarial nas campañas do 25N, de Nadal, de escaparatismo, etc.; 20.000 euros por indemnizacións por resolucións do contrato por atrasos no inicio das obras; e as partidas destinadas ao abono das horas extraordinarias que ano tras ano se veñen realizando masivamente no Concello por membros, sobre todo da policía local, aínda que tamén doutras áreas, horas extraordinarias que ditos colectivos se ven abocados a prestar de forma estrutural e desde fai xa moitos anos pola incapacidade manifesta do goberno municipal para dotar dos efectivos necesarios para un concello que supera con creces os 30.000 habitantes, horas extraordinarias que se levaron a cabo sen crédito e cun único responsable, o alcalde e o seu equipo de goberno.

Tanto é así que máis da quinta parte do total do modificativo de crédito que propón o goberno municipal correspóndese coas horas extraordinarias, sobre todo da policía local e, tanto é así, que tendo en conta única e exclusivamente o importe que en dita materia recolle o modificativo que se presenta, poderíase pagar o soldo e as cargas sociais de cinco policía locais; di que esa é a xestión do Sr. alcalde e que ese é o seu fracaso e as súas consecuencias que se ven obrigados a sufrir todos os veciños e veciñas de Culleredo; o Sr. alcalde, a sabendas de que desde que se aprobou o orzamento, xa ao mes seguinte, estaba esgotado o crédito destinado ao pagamento de horas extras, permitiu que se seguiran facendo, sendo una irresponsable; os informes de intervención

para as gratificacións de horas extras son demoledores e din que non existe crédito ao que imputar o gasto, que non consta acreditada a xustificación das horas extras no expediente, que non consta no expediente a autorización do alcalde ou concelleiro delegado, que non consta a xustificación de que non se poidan compensar as horas extras por horas libres dentro da xornada laboral, que se supera o límite legal de 80 horas máximo ao ano.

Por todo iso a interventora emite un reparo suspensivo e pregunta se o goberno municipal pretende que o grupo municipal do Partido Popular discrepe; di que o goberno municipal fixo as cousas mal, moi mal, e lle pregunta se pretende trasladar á oposición a responsabilidade de aprobarlles a súa negligente xestión, aclarando xa que para iso non poden contar co Partido Popular.

O segundo punto da proposta que hoxe se trae para a aprobación definitiva do suplemento é rechazar as alegacións presentados polos veciños e lle di ao Sr. alcalde que como lle vai explicar aos veciños do Xalo, presentes na sesión, que rechaza a súa alegación e como lles vai explicar a nota de prensa coa que hoxe se almorzou; dirixíndose ao Sr. alcalde lle di que non se entera de nada e que llo vai explicar primeiro a el para que despois lle poida contestar aos veciños, engadindo que o suplemento de crédito que hoxe se pretende aprobar é para educación, escolas infantís, conservatorio, promoción cultural, festas populares, deporte, desenvolvemento empresarial e gratificacións e que non hai nin unha soa partida adicada a viarios municipais; lle di ao Sr. alcalde que está tan desvinculado de Culleredo que escoita campás e non sabe onde e que lle soa unha partida xenérica de renovación de pavimentos e actuacións en estradas municipais por importe de 750.000 euros sen saber que iso está no capítulo de investimentos.

Na noticia que sae hoxe na prensa pódense ler máis afirmacións que non se axustan ao que contan os veciños; lle pregunta se, cando fala da reunión cos veciños, se refire á que tivo con eles á saída do último pleno na que quixo enfrontar á comunidade de montes cos veciños e lle pide que o explique diante de todos.

O Partido Popular, coa incompetencia e falta de rigor e desaxuste da realidade, xa votou en contra no mes de outubro e o Sr. Alcalde non tivo intención ningunha de chegar a un acordo co Partido Popular nin de explicar o proposto no pleno do mes de outubro para a aprobación inicial polo que agora non lles queda outro remedio que votar tamén en contra.

Deseguido fai uso da palabra o Sr. Alcalde-presidente e di que se volve ao inicio do punto anterior, e que falta rigor, que falta moito rigor no que di a Sra. García Gorostizu porque a incorporación de crédito que se trae ao Pleno nesta sesión é para os dous puntos, para a incorporación de crédito para investimentos e para pagar 800.000 euros en diferentes facturas que están pendentes, e 2.800.000€ aproximadamente para investimentos; lle di á Sra. García Gorostizu que lle falta rigor e que despois de tantas visitas e de tratar de xustificar o inxustificable entende que queiran bloquear os investimentos, o orzamento, pero lle pide que non falten á verdade porque non é para o que ela vén de ler xa que o orzamento do 2023 xa está feito e xa recolle unha serie de investimentos, entre elas a mellora de viarios de preto de 800.000 euros no que se pode recoller calquera investimento en viarios que sexa necesario facer no municipio, pedíndolle de novo que non terxiversen a realidade; lle di que no seu momento puideron absterse na votación ou xustificar doutra maneira pero que o que non deben facer é faltar á verdade porque hai investimentos moi serios para os veciños e veciñas de Culleredo e dicir que esa

incorporación de crédito é para o que vén de relatar amosa un descoñecemento manifesto do que é un orzamento, do que é a execución dun orzamento e do que é unha incorporación de remanentes; di que dixo que non ía favorecer que se gastase o ano que vén o que se aprobara neste suplemento, delatándose nese momento e amosando que o que quere é bloquear o Concello.

A Sra. García Gorostizu intervén e lle di ao Sr. Alcalde que el non necesita que ninguén lle bloquee nada pois é incapaz de facer nada e xa o demostrou cando tiña maioría absoluta.

Segue a súa intervención o Sr. Alcalde e di que el nunca interrompe a ninguén cando fala e escoita con moita atención porque aprende moito e tacha de lamentable que se aluda á súa condición de deputado cando o que agora está votando o Partido Popular en contra na Deputación se votou a favor, un suplemento de crédito para investimentos iguais aos que neste punto se propoñen: pago de nóminas por falta de dotación orzamentaria, facturas que quedaban pendentes, investimentos en diferentes puntos; di que el é o deputado de Facenda de toda a provincia e por iso pode falar con propiedade e nunha sesión na Deputación, o voceiro do Grupo Popular, con moi bo criterio, dixo nun punto como o que hoxe se trae aquí que o Partido Popular non ía ser o que evitara que se fixeran os investimentos en favor dos veciños e veciñas da provincia, e a Sra. García Gorostizu votou a favor, votando hoxe en contra; di que el entende a estratexia política da voceira do grupo municipal do Partido Popular tachándoo de malo e de que fai moi mal as cousas pero di que a el si que lle preocupan os seus veciños e que é moi consciente do que ten entre mans, engadindo que posiblemente, nun futuro, se o Partido Popular chega a gobernar o Concello de Culleredo, el vai axudar a sacar as cousas adiante en interese dos veciños e veciñas de Culleredo e non vai facer o mesmo que están a facer agora os membros de Partido Popular, máxime cando se trata dun orzamento do 2023 do que dependen múltiples cuestións importantes e transcendentais para os intereses dos veciños, di que se non se aproba este punto haberá que gastar o orzamento do 2024 di que cre que por unha mala decisión.

A continuación solicita o uso da palabra o voceiro do grupo municipal do Bloque Nacionalista Galego de Culleredo, Sr. Chouciño Garrido quen, unha vez concedido, di que o Sr. Alcalde di que trae esta proposta ao pleno por vontade propia, por un exceso de aire democrático.

O Sr. Alcalde-presidente pide permiso para interromper ao Sr. Chouciño Garrido e lle di que as bases de execución do orzamento están sendo seguidas en moitos outros concellos, como pode ser o Concello de Oleiros, que incrementa os seus investimentos de cinco a catorce millóns, e di que é un exemplo aproximado, porque xa conta coa incorporación de remanentes, esa incorporación de crédito que se fai a metade de ano, e esa incorporación de crédito, que non a somete a debate, xa se utiliza para pagar as obras que se van facer, e o Pleno xa é consciente diso, e pon un matiz, que ese acordo xa é por resolución do alcalde e non hai que levalo ao Pleno; di que ten que recoñecer que pensou que ese matiz, ou esa redacción, estaba recollida literalmente no orzamento do Concello de Culleredo e non é así, xa que faltou recollelo literalmente nas bases de execución e iso é o que leva a que se traia ao Pleno pois do contrario bastaría cunha simple resolución da Alcaldía; di que lles sorprendía moito que concellos como Arteixo, que ten un superávit

25 de 48

tremendo e unhas incorporacións de remanentes grandísimas, cun orzamento de 63 millóns de euros, ou o Concello de Oleiros, cun orzamento duns 37-40 millóns de euros, e que concellos similares a Culleredo, que ten un nivel de investimento dun ou dous millóns de euros, tiveran un nivel de investimento moito maior, faláron con eses concellos e lles dixerón que eles, no orzamento que fan a 1 de xaneiro, xa incorporan todas as obras que consideran poden facer no ano seguinte e unha vez aprobada a incorporación de crédito, xa se incorporan inmediatamente ao orzamento e se utilizan para facer eses investimentos, engadindo que iso é o que literalmente lle faltou poñer nas bases de execución ao Concello de Culleredo; se se houbera posto literalmente nas bases xa se faría por resolución da Alcaldía porque ao fin e ao cabo son obras que xa estaban aprobadas no orzamento correspondente; di que, de cara ao vindeiro orzamento, hai que valorar se interesa detallar todos os investimentos que hai que facer e se solicitando un crédito ou cun suplemento de crédito a maiores interesa facelas para podelas ir incorporando cada ano ao orzamento seguinte porque, como ben dixo anteriormente o Sr. Méndez Mosqueira, a “Lei Montoro” deixou, entre outras lindezas, unha regra de gasto que impedía que, tendo remanentes nas contas dos concellos, se puideran gastar, algo que xa está suspendido para o ano pasado, para este, e moi probablemente para o próximo, por unha directiva europea, polo que puidera ser que esta sexa a última oportunidade de gastar todos eses cartos que están aforrados incorporándoos ao orzamento para ir programando e facendo obras e non perder eses cartos porque no momento en que a regra de gasto volva ser unha realidade, tal e como apuntan todos os indicadores económicos, xa se bloquearían de novo as administracións; di que se se aproba a incorporación de crédito que se propón, no mes de xaneiro ou de febreiro poderán estar facendo obras e poñéndolles o contador a cero aos provedores e, do contrario, non o poderán facer; di que a sra. Interventora apunta que co nivel de vinculación que propón o Bloque Nacionalista Galego de Culleredo, aprobado na sesión do mes de outubro, é practicamente imposible poder cumprir en tempo e forma; di que entende que o Partido Popular está centrado nas eleccións autonómicas do mes de febreiro e actúan coa consigna de que hai eleccións e poden perder esa roda, pero que as forzas progresistas da Corporación municipal teñen que mirar outras cuestións e lles pide que voten en conciencia, engadindo que é unha mágoa que haxa persoas na Corporación que van pasear cos veciños sen ter os coñecementos mínimos para avalar todo o que lle están a dicir, e di que o di polo Sr. Marco, que hoxe vai votar en contra do investimento para facer as obras, facendo que non sirvan para nada todas as reunións que tivo cos veciños; lle pide desculpas ao Sr. Chouciño pola interrupción e lle cede novamente a palabra.

Deseguido o Sr. Chouciño di que o Sr. Alcalde está pretendendo liar aos membros da oposición con cuestións técnicas e di que no mes de outubro se modificou a orixe dunha parte dos sete millóns de ingresos que estaba previsto ter mediante un préstamo a longo prazo, unha operación contable creativa que permitía deixar pendentes despois da aprobación do orzamento sete millóns de euros para despois cambiar a orixe e metelo a través dun remanente; di que no pleno do mes de outubro aprobouse que a tres deses sete millóns se lles ía cambiar a orixe de financiamento e se ían gastar a través do remanente, algo que xa quedou aprobado, preguntando xa naquel momento e antes na comisión informativa correspondente, que de todas as obras que hai no capítulo 6 do orzamento cales ía priorizar o goberno municipal porque parece que a un mes de finalizar

o ano o goberno municipal non vai contratar un préstamo a longo prazo polos catro millóns restantes, sendo a resposta que obtiveron tanto do Sr. Alcalde como da concelleira dona Marta Iglesias moito máis breve que as exposicións que agora se fan no pleno, dicindo que xa se vería e que se farían algunhas, actuando como cando tiñan maioría absolutísima, sen amosar intención ningunha de diálogo; di que naquel momento aprobouse aquel primeiro punto cambiando a orixe de financiamento de tres millóns de euros dos orzamentos, dando lugar a unha incorporación de crédito automaticamente para o orzamento do 2024 e había un segundo punto que si había que traer porque era unha modificación orzamentaria que eran 800.000 euros de suplemento de crédito, non vendo ao pleno porque si senón porque era obrigado dado que as bases de execución están redactadas como están e calquera modificación do orzamento, ao igual que o propio orzamento, ten que ser aprobada polo Pleno, sendo aí onde o BNG se viu capaz de condicionar o que non foi capaz de condicionar nos últimos catro anos, cando o goberno municipal contaba con maioría absoluta; recorda como en todos os debates do orzamento, tanto nas comisións como no pleno, o BNG repetía reiteradamente que o nivel de vinculación non podía ser o máis alto, dicíndoo tamén a interventora cando nos informes elaborados con motivo da aprobación do orzamento establecía que as partidas deberían concretarse e non deixarse en bolsas para arranxo de viarios, por exemplo, e desde o BNG, tanto por unha cuestión política como por unha cuestión técnica, referendando o informe da interventora, defendían a morte iso e o goberno municipal nunca quixo oír nada diso; sabe que agora e emenda do BNG lles mete bastante apuro e engade que iso é precisamente o que o BNG pretende, que non se traía o orzamento a aprobar no mes de marzo ou no mes de setembro, e que o orzamento do 2024 recolla as propostas veciñais e non pase como nos últimos catro anos nos que aos grupos da oposición nunca se lles deu a lista completa coas propostas veciñais tal como obriga a Lei; o Sr. alcalde dixo que a decisión se adoptou no mesmo día do Pleno ao presentar o BNG a súa emenda pero o que sucedeu é que a documentación da sesión na que se aprobou inicialmente amosouse 48 horas antes sen tempo a analizala debidamente e o BNG non ía desaproveitar a ocasión de que as cousas se fixeran ben e por iso presentou a emenda no propio pleno; as partidas dos suplementos teñen que ir destinadas aos fins para os que se destinan, si ou si, sen que faga falta metelas nunha emenda; respecto do que dixo o Sr. alcalde de que no orzamento da Deputación tamén se recolleron unhas modificacións, di que dito orzamento está feito doutra maneira; respecto da Lei Montoro di que a ver se o goberno máis progresista da historia é capaz de derogala e que non obrigue as administracións máis débiles, como é a administración local, as que teñen ao veciño á porta, as que teñan que aforrar para as demais porque xa se sabe que as administracións locais son as máis aforradoras e que ás outras lles dá igual todo, con endebedamentos bárbaros. Remata a súa intervención dicindo que o sentido do seu voto non vai cambiar se non se acepta a emenda que propón e, dado que o Sr. alcalde xa anunciou que non a ían aceptar, xa saben cal é.

O Sr. alcalde di que vai facer un receso no Pleno de quince minutos.

Retomada a sesión do Pleno, o Sr. alcalde pide desculpas polo receso e o xustifica dicindo que era necesario falar coa Intervención e coa Secretaría municipais para tomar unha decisión sobre o punto da orde do día que se está a debater; di que o nivel de vinculación

que se aprobou no anterior Pleno é un nivel de vinculación 5.5 que significa que calquera movemento de partida orzamentaria que se queira facer hai que sometelo ao Pleno municipal co cal, cuestións tan delicadas como o pago de nóminas ou outros fóra do que son os investimentos habería que traelas ao Pleno, agardar o período de alegacións e despois pagar as nóminas porque sería imposible pagalas con anterioridade; di que o que se suxire desde a Intervención municipal e un pouco para apuntalar o acordo anterior e que non exista esa vinculación tan estrita que suporía traer ao pleno cada decisión de mover unha partida orzamentaria, é un nivel de vinculación 2.5 co cal Benestar Social tería a súa autonomía, Deportes tería a súa autonomía, Cultura tería a súa autonomía, Intervención tería a súa autonomía, e Urbanismo, Persoal e demais terían a súa autonomía, co cal, salvo unha cuestión moi extraordinaria, non sería necesario ter que traer ao Pleno esa modificación orzamentaria, supoñendo un punto intermedio entre o que se aprobou no pleno do mes de outubro e o que se axustaría a unha realidade que tería unha duración determinada no tempo; di que propón que o punto número 1, referido a desestimar a alegación presentada, non desestimála como tal senón poñer que o nivel de vinculación sexa o nivel de vinculación 2.5 e non o 5.5 aprobado que é o nivel de vinculación máis extremo que pode haber nun orzamento; pon como exemplo o servizo de Educación no que, se hai unha partida para mantemento dos colexios e posteriormente se detecta que é necesario dotar una partida para limpeza, co nivel de vinculación 5.5. non se podería cambiar, e co nivel de vinculación que se propón agora, o 2.5, si se podería cambiar pero só a nivel de cada área; di que esa é a proposta que se fai desde a intervención municipal para poder sacar adiante este punto tan transcendental e tan importante; di que asume o erro propio cometido no anterior Pleno porque terían que desestimar a emenda presentada polo BNG xa que cada vez que houbera que facer un gasto que non estivera contemplado no orzamento habería que traelo ao Pleno e sometelo a alegacións polo que propón supeditar o primeiro punto ao nivel de vinculación 2.5., un punto intermedio entre a vinculación actual, 1.1., e a proposta polo BNG, 5.5.

Seguidamente solicita o uso da palabra a voceira do grupo municipal do Partido Popular, Sra. García Gorostizu quen, unha vez concedido, di que a ela o que lle dá pena é que, sendo un punto tan importante e crucial como está a dicir hoxe o Sr. alcalde, que non o manifestara así ao día seguinte de saber que non deberan ter aceptado a emenda proposta polo BNG, volvendo a estar de novo nunha situación límite pola incapacidade do Sr. Alcalde de chegar a acordos e lle pregunta por que non solicitou unha reunión desde que se fixo a aprobación inicial no mes de outubro para non ter que chegar a este extremo engadindo que xa llo dixeran máis veces, practicamente en todos os plenos que houbo coa nova Corporación, e non pode seguir así porque é unha mágoa que se perdan oportunidades pola incapacidade do Sr. Alcalde de chegar a acordos.

A continuación fai uso da palabra o Sr. Alcalde e di que os que acordaron aceptar a emenda proposta foron o BNG e o Partido Socialista, entre os que si houbo conversas para tratar de atopar solucións, non mantendo ningunha reunión co Partido Popular porque entendían que ían manter o sentido do seu voto, en sentido negativo, xa que o normal, aínda que se pode cambiar, é que o que se aproba inicialmente se aprobe tamén de forma definitiva; di que o que hoxe se está a debater é unha emenda que se aprobou no pleno do mes de outubro porque non eran conscientes ou pensaban que ía haber outro tipo de

solucións para o nivel de vinculación 5.5. pero agora déronse conta de que non se conta nin co persoal nin coa capacidade necesaria para axilizar, co problema engadido de que todo o que se queira mover, sexan 50 euros ou máis, habería que traelo ao pleno e sometelo a un período de alegacións; di que se se houbera aprobado por maioría diría que todos se equivocaron pero agora ten que recoñecer que eles cometeron un erro ao establecer ese nivel de vinculación porque o importante ao final é que os cartos cheguen aos veciños.

Deseguido solicita o uso da palabra o voceiro do grupo municipal do BNG, Sr. Chouciño Garrido quen, unha vez concedido, di que se está a falar de pasar a nivel 2.5 e supón que a maioría dos presentes non saben de que se está falando e di que todo o mundo debera saber que no pleno as decisións non se toman de calquera maneira senón que se toman con informes previos que asesoran de como son as cousas, informes de Intervención, informes de Secretaría, informes de Asesoría Xurídica, etc.; di que poñer un nivel de vinculación 2.5 tamén suporía revisar o orzamento ou, en todo caso, fiarse do Sr. Alcalde e xa di que do alcalde os membros do seu grupo non se fían; di que eles queren botarlle un ollo ao orzamento, ver os listados, mirar cal é o nivel de vinculación de cada un dos dous e non tomar esta decisión desta maneira; di que hai outra cuestión da que o Sr. Alcalde non lles dá falado, cal é cando vai presentar un borrador de orzamento para o 2024 e sometelo a debate, a crítica, a elaboración, a contraste cos grupos da oposición, tanto o BNG coma os outros, xa que todos fixeron propostas e hai tamén propostas veciñais, aínda que tamén é certo que o alcalde actual estivo gobernando catro anos con maioría absoluta e en ningún deses catro anos presentou o orzamento en prazo.

Di que se o nivel de vinculación aprobado pode ocasionar moitas molestias significa que o orzamento está moi mal, algo que xa foi advertido pola interventora en cada exercicio que ano tras ano dicía que o nivel de vinculación era moi baixo e o nivel de desglose das partidas moi escaso e deberan concretarse; o BNG quere botar un ollo a que supón aprobar o nivel de vinculación que se propón e quere ver os listados do orzamento, que é bastante extenso polo que propón deixalo enriba da Mesa e, nos días que quedan, convocar outro pleno que se podería facer cando quixera o goberno municipal, de mañá ou de tarde, engadindo que tiveron tempo de sobra para negocialo e non o fixeron; pide que o que se está a dicir se estableza en informes por escrito; que sabe que os provedores están á porta porque queren cobrar pero as cousas teñen que cambiar, e considera que hoxe o Concello está empezando a cambiar.

O Sr. Alcalde fai uso da palabra e di que non hai problema e que habería que convocalo para o xoves, antes de que finalice o ano e non o último día porque de chegarse a algún acordo habería que publicalo no Boletín antes de fin de ano.

Di que deixar este punto enriba da Mesa supón que o seguinte punto da orde do día do pleno que se está a celebrar teríase que deixar tamén enriba da Mesa.

A continuación solicita o uso da palabra a voceira do Grupo municipal Alternativa dos Veciños, Sra. Palla Maceiras quen, unha vez concedido, a propósito do que vén de comentar o Sr. Chouciño Garrido, eles súmanse á proposta de deixar este punto enriba da Mesa pero supeditado a que se presente un informe por escrito.

C.I.F. P-1503100-H

O Sr. Alcalde-presidente di que o que vén de transmitir é o que se falou no receso e que non hai ningún problema en que a Intervención presente un informe por escrito antes da vindeira sesión.

VOTACIÓN

Sometido a votación ordinaria a proposta de deixar este punto sobre a Mesa, é aprobado por unanimidade dos concelleiros e concelleiras presentes na sesión (19).

3.- RESOLUCIÓN DE DISCREPANCIAS DE REPAROS DA INTERVENCIÓN (EXPTE. UPO/2023/253).

Sometido a votación ordinaria a proposta de deixar este punto sobre a Mesa, como consecuencia do acordo adoptado non punto anterior, é aprobado por unanimidade dos concelleiros e concelleiras presentes na sesión (19).

(gravación cortada)

O Sr. Alcalde convoca a todos os voceiros/as a unha reunión ao rematar o Pleno.

C.I.F. P-1503100-H

4.- CONTROL E SEGUIMIENTO DOS ÓRGANOS DE GOBERNO

4.1.- DACIÓN DE CONTA DAS RESOLUCIÓN DAS ALCALDÍA-PRESIDENCIA E CONCELLERÍAS DELEGADAS.

De conformidade co disposto no artigo 42 do Real decreto 2568/1986, do 28 de novembro, polo que se aproba o regulamento de organización, funcionamento e réxime xurídico das entidades locais, dáse conta á Corporación das Resolucións da alcaldía e concellerías delegadas ditadas, desde a última sesión plenaria ordinaria, que corresponden ás Resolucións con números e datas seguintes: **2256/2023**, do 22 de novembro de 2023, á **2432 /2023**, do 15 de decembro de 2023, todas elas incluídas, e que son as seguintes:

NÚMERO	DATA	DESCRIPCIÓN	DOCUMENTO
2256	22/11/23	Resolución de licenza de dominio público local para canalización RBT en Polígono 32 Parcela 494	UME17I03YJ
2257	22/11/23	Resolución de levantamento de reparo	UPO17I02L2

C.I.F. P-1503100-H

NÚMERO	DATA	DESCRICIÓN	DOCUMENTO
2258	22/11/23	Decreto Sancións Tráfico (Inicio) Al 99500000030279 (Expedientes 23550/2023 e outros)	USC17I00YZ
2259	22/11/23	Resolución concesión PEEIS (J.J.B.P)	UBS17I043M
2260	22/11/23	Resolución concesión PEEIS (J.G.S)	UBS17I043N
2261	23/11/23	R Nóminas novembro 2023	UPO17I02LD
2262	23/11/23	R Anticipo salarial BIS	UPO17I02LC
2263	23/11/23	Resolución aprobación de facturas F/2023/306 Reparo Cultura	UIT17I01VH
2264	23/11/23	Resolución ordenación pago nómina novembro/2023	UIT17I01VK
2265	23/11/23	Convocatoria sesión ordinaria da Xunta de Goberno Local do 27/11/2023	USG17I05XX
2266	23/11/23	Resolución aprobación de facturas F/2023/314 Reparo Cultura	UIT17I01VJ
2267	23/11/23	Expediente Baixa de oficio G.B,M e outra outubro 2023	URP17I00TS
2268	23/11/23	Expediente Baixa de oficio B.M,G.E e outra, outubro 2023	URP17I00TY
2269	23/11/23	Expediente Baixa de oficio C.L,C.Y e outro outubro 2023	URP17I00TZ
2270	23/11/23	Expediente Baixa de oficio E.L,C.J e tres máis outubro 2023	URP17I00U0
2271	23/11/23	Expediente Baixa de oficio P.B,A.F, e dous máis outubro 2023	URP17I00U1
2272	23/11/23	Expediente Baixa de oficio P.C,M.V outubro 2023	URP17I00U3
2273	23/11/23	Expediente Baixa de oficio C.C,M outubro 2023	URP17I00U2

C.I.F. P-1503100-H

NÚMERO	DATA	DESCRICIÓN	DOCUMENTO
2274	23/11/23	Expediente Baixa de oficio M.S,N outubro 2023	URP17I0OU5
2275	23/11/23	Resolución concesión PEEIS (C.P.G.O)	UBS17I043Q
2276	23/11/23	Resolución concesión PEEIS (H.A.S.G)	UBS17I043R
2277	23/11/23	Resolución concesión renovación da tarxeta de estacionamento de D.M.G.R.	UBS17I0418
2278	23/11/23	Convocatoria sesión ordinaria do Pleno municipal de data 28/11/2023	USG17I05XG
2279	24/11/23	Adhesión ao Convenio AEAT-FEMP para intercambio de información tributaria e colaboración na xestión recadatoria coas Entidades Locais	UIT17I01VZ
2280	24/11/23	Adxudicación do contrato de asistencia técnica para a redacción do prego de prescripcíons técnicas do servizo de limpeza viaria do Concello de Culleredo	UCP17I010X
2281	24/11/23	Adxudicación posto de Secretaría, categoría superior do Concello de Culleredo.	USG17I060M
2282	27/11/23	Asistencia a tribunais con persoal de apoio proceso selectivo para a selección de persoal funcionario interino, traballadoras/es sociais, por programas e creación dunha bolsa para nomeamentos.	UPO17I02LI
2283	27/11/23	Resolución aprobación proxecto "Regeneración de la Plaza Sagrada Familia en Vilaboa. Culleredo", de data do 12/12/2022	UME17I03ZD
2284	27/11/23	Resolución dominio público local para apertura gabia para substitución de tubo de fecais na Av Portádego, 2-4-6	UME17I03ZP

C.I.F. P-1503100-H

NÚMERO	DATA	DESCRICIÓN	DOCUMENTO
2285	27/11/23	Solicitud de acceso do Concelleiro do PP de Culleredo D. Juan Carlos Leites Maneiro as facturas F/2023/4538 e F/2023/4523 e a información relativas a facturas F/2023/4437, F/2023/4438, F/2023/4439, F/2023/4440, F/2023/4522, F/2023/4539. Concesión	UAL17I00N4
2286	27/11/23	Solicitud de acceso da Concelleira do PP de Culleredo D ^a . Izaskun García Gorostizu a todos os expedientes relacionados coa cuberta do parque infantil das Brañas: Concesión.	UAL17I00NU
2287	27/11/23	Solicitud de acceso da Concelleira do PP de Culleredo D ^a . Izaskun García Gorostizu ós expedientes relacionados coa renovación das pistas multideporte ubicadas na Avda Xoan Carlos I: Concesión.	UAL17I00NZ
2288	27/11/23	Resolución concesión tarxeta de estacionamento a A.B.G.P.	UBS17I0447
2289	27/11/23	Resolución concesión PEEIS (C.A.B.B.)	UBS17I044X
2290	27/11/23	Resolución concesión PEEIS (J.J.S.A)	UBS17I044Y
2291	27/11/23	Solicitud de acceso da Concelleira do PP de Culleredo D ^a . Izaskun García Gorostizu ós expedientes relacionados coa rehabilitación do firme da urbanización A Ría: Concesión.	UAL17I00O1
2292	27/11/23	Desconvocatoria Pleno Municipal do 28-11-2023	USG17I0614
2293	27/11/23	Solicitud de acceso da Concelleira do PP de Culleredo D ^a . Izaskun García Gorostizu ós expedientes relacionados coa dotación de equipamento ó arquivo municipal: Concesión.	UAL17I00O2
2294	27/11/23	Convocatoria sesión Xunta de Voceiros 29-11-2023	USG17I0615

C.I.F. P-1503100-H

NÚMERO	DATA	DESCRIPCIÓN	DOCUMENTO
2295	28/11/23	Orde de pago das asistencias concelleiros e concelleiras mes de agosto de 2023	UIT17I01W
2296	28/11/23	Resolución concesión provisional tarxeta de estacionamento de J.A.B.B.	UBS17I045L
2297	28/11/23	R aprobación recibos de cotización do mes de outubro periodo liquidación novembro 2023	UPO17I02MP
2298	28/11/23	Resolución alta condutor asalariado licenza de taxi número 18	UME17I040W
2299	28/11/23	Resolución concesión do servizo municipal de axuda a domicilio a A.R.R.	UBS17I043K
2300	28/11/23	Resolución concesión do servizo municipal de axuda a domicilio a M.B.S	UBS17I043V
2301	28/11/23	Inicio expediente Baixa de oficio por non confirmación D.C.F, C.A.	URP17I0P9S
2302	28/11/23	Expediente Baixa de oficio por non confirmación D.L.S.F,M	URP17I0PAM
2303	28/11/23	Resolución aprobación de facturas F/2023/327 Endesa	UIT17I01WT
2304	28/11/23	Resolución aprobación de facturas F/2023/318	UIT17I01WZ
2305	28/11/23	Resolución ordenación pago seguros sociais mes outubro/2023	UIT17I01X4
2306	28/11/23	Que se autorice, dispoña, reconozca e ordene o pago das facturas do mes de novembro que se relacionan a continuación, correspondentes aos bonos de alimentos e bonos de hixiene e bono de lactantes con cargo aos RC correspondentes.	UBS17I046O

C.I.F. P-1503100-H

NÚMERO	DATA	DESCRICIÓN	DOCUMENTO
2307	28/11/23	Autorización demanial para a ocupación do dominio público local do 1 de decembro ao 7 de xaneiro no Burgo para a celebración do parque de Nadal Winter Park	DLO17I00O3
2308	29/11/23	Resolución Asistencias concelleiros mes de outubro de 2023	UPO17I02N0
2309	29/11/23	Decreto Sancións Tráfico (Inicio) Al 99500000030338 (Expedientes 21749/2023 e outros)	USC17I00ZX
2310	29/11/23	Solicitud de acceso de D ^a Marina Núñez Orjales ó expediente do proceso de provisión do posto de Secretaría do Concello de Culleredo: Concesión.	UAL17I00OQ
2311	29/11/23	Resolución concesión PEEIS (H.D.J.R.S)	UBS17I043O
2312	29/11/23	Resolución concesión PEEIS (E.R.S)	UBS17I043P
2313	29/11/23	Resolución concesión PEEIS (T.C.T)	UBS17I047M
2314	29/11/23	Resolución concesión PEEIS (R.C.P)	UBS17I047O
2315	29/11/23	Resolución Asistencias concelleiros mes de setembro de 2023	UPO17I02N1
2316	30/11/23	SOLICITA PRESTACIÓN ECONÓMICA DE EMERXENCIA PARA A INSERCIÓN SOCIAL (PEEIS)	UBS17I047W
2317	30/11/23	APROBACIÓN PADRÓN CMUS (2º PRAZO MATRICULA + MES SETEMBRO) CURSO 2023/2024	UIT17I01XX
2318	30/11/23	Resolución aprobación certificación núm. 10 de data do 22/09/2023, da obra "Parque infantil na área de lecer da Corveira"	UME17I0421
2319	30/11/23	Resolución concesión PEEIS (V.L.B)	UBS17I048I

C.I.F. P-1503100-H

NÚMERO	DATA	DESCRICIÓN	DOCUMENTO
2320	30/11/23	Resolución concesión PEEIS (J.V.S.M)	UBS17I048K
2321	30/11/23	Resolución autorización pago PEEIS (M.E.R.S)	UBS17I049I
2322	30/11/23	Resolución concesión PEEIS (K.M.V)	UBS17I048W
2323	30/11/23	Resolución concesión PEEIS (K.P.N)	UBS17I048T
2324	30/11/23	SOLICITA PRESTACIÓN ECONÓMICA DE EMERXENCIA PARA A INSERCIÓN SOCIAL (PEEIS)	UBS17I048L
2325	30/11/23	12/12/2023 PLENO 2023-2027	USG17I0645
2326	30/11/23	RESOLUCIÓN DE CESE ENXEÑEIRO TÉCNICO DE OBRAS PÚBLICAS	UPO17I02NG
2327	30/11/23	Corrección erros na Resolución 984/2023 de aprobación expediente de contratación da obra. Remodelación da rúa Rafael Alberti e da rúa situada ao sur da praza Daniel Rodríguez Castelao	UCP17I0127
2328	30/11/23	Formalización da adquisición de parcela para renovación vial VP-124	UCP17I012E
2329	30/11/23	Solicitud de acceso a resolución de adxudicación do posto de Secretaría, categoría superior, do Concello de Culleredo, de D ^a Marina Orjales: Concesión	UAL17I00PC
2330	30/11/23	Avocación competencias concelleira delegada da área de Cultura (Penélope López Díaz)	USG17I0649
2331	30/11/23	Adquisición de parcela en Veiga	UCP17I012M
2332	01/12/23	Anticipo salarial BIS	UIT17I01XM
2333	04/12/23	Expediente Baixa de oficio por non confirmación N,S.C	URP17I0PHV

C.I.F. P-1503100-H

NÚMERO	DATA	DESCRICIÓN	DOCUMENTO
2334	04/12/23	Resolución aprobación certificación núm. 1 e única da obra "Renovación dun viario en Vinxeira Pequena (VP-357)	UME17I042W
2335	04/12/23	Resolución substitución vehículo licenza de taxi número 32	UME17I042E
2336	04/12/23	11/12/2023 Xunta de Goberno LOCAL	USG17I066C
2337	04/12/23	SOLICITA PRESTACIÓN ECONÓMICA DE EMERXENCIA PARA INSERCIÓN SOCIAL (PEEIS)	UBS17I04A1
2338	04/12/23	Subvencións deportes 2023	UDP17I009Q
2339	04/12/23	Resolución autorización de dominio público para obra de liña eléctrica subterránea de Baixa Tensión con inicio en PAS e final en la CPM en Celas	UME17I043L
2340	04/12/23	Atribución de funcións de C.V.B.	UPO17I02NU
2341	04/12/23	Solicitud de acceso da Concelleira do PP de Culleredo D ^a Izaskun García Gorostizu ós expedientes relacionados co expediente disciplinario de R.P: Concesión.	UAL17I00PO
2342	04/12/23	Resolución aprobación certificación núm. 6 da obra "Mellora de intersección da antiga N-550 coa R/Alcalde Domingo Sierra (VP-130), coa R/Xafonte (VP-132) coa R/Calzada (VP-129) e coa R/Vicente Risco (VP-128)"	UME17I043Q
2343	04/12/23	Resolución aprobación de facturas F/2023/296 Reparo Informática.	UIT17I01YJ
2344	04/12/23	Resolución aprobación de facturas F/2023/297 Reparo Informática.	UIT17I01YK
2345	04/12/23	Resolución aprobación de facturas F/2023/300 Reparo Benestar.	UIT17I01Z2

C.I.F. P-1503100-H

NÚMERO	DATA	DESCRICIÓN	DOCUMENTO
2346	04/12/23	Solicitud de acceso da Concelleira de Alternativa dos Veciños, D ^a Indrani Thais Palla Maceiras ó expediente disciplinario de R.P: Concesión.	UAL17I00PP
2347	05/12/23	Adxudicación do subministro e instalación de equipamento de seguridade permimetral (Watchguard M590)	UCP17I0133
2348	05/12/23	Devolución a don P.C.S da garantía por importe de 6.230 €, que depositou no seu día para responder das obras de urbanización da fronte da parcela situada na rúa Cillobre (ref. Catastral 15031A025000320000OO) Sésamo, con motivo da construción dunha vivenda.	UAU17I02HO
2349	05/12/23	Resolución aprobación de taxa da Comunidade Autónoma de Galicia	UIT17I01XJ
2350	05/12/23	R aprobación de nóminas paga extra nadal e atrasos	UPO17I02OZ
2351	05/12/23	Resolución dominio público local de subministro para uso industrial RBTS-ALVEDRO S/N (CULLEREDO)	UME17I0441
2352	05/12/23	Resolución nomeamento MRVS	UPO17I02P6
2353	05/12/23	Resolución dominio público local para subministro e mantemento de gas canalizado na Av Almeiras 65	UME17I044G
2354	07/12/23	Resolución aprobación de facturas F/2023/316 Reparo Deportes	UIT17I0209
2355	07/12/23	Solicitud de acceso do Concelleiro do PP de Culleredo, D. Marco Antonio Pazos Regueiro ós expedientes da obra do parque da Praza de Vilaboa: Concesión.	UAL17I00PY

C.I.F. P-1503100-H

NÚMERO	DATA	DESCRICIÓN	DOCUMENTO
2356	07/12/23	Resolución aprobación de facturas F/2023/246 Reparación Educación Mañás de campamentos	UIT17I0208
2357	07/12/23	Adjudicación do contrato para a defensa e representación xurídica no recurso contencioso administrativo PO 0240/2023	UCP17I0139
2358	07/12/23	Ordenación pago nómina extraordinaria decembro/2023+atrasos	UIT17I0207
2359	07/12/23	Orde do pago das asistencias concelleiros e concelleiras mes de setembro de 2023	UIT17I0204
2360	07/12/23	Reintegro remanente da subvención e xuros do programa mixtos de emprego e formación para persoas mozas incluídas no ficheiro do Sistema Nacional de Garantía Xuvenil. Núm. Expediente TR353B/15/0038/2016	UFE17I0107
2361	07/12/23	Solicitud de acceso do Concelleiro do PP, D. Juan Carlos Leites Maneiro, ós Decretos de Alcaldía UPO17I02DQ de 03/11/2023, UAJ17I00T5 de 22/09/2023, UAJ17I00UZ de 19/10/2023 e UDP17I0097 de 17/11/2023: Concesión.	UAL17I00PJ
2362	07/12/23	Solicitud de acceso da Concelleira do PP de Culleredo, D ^a Izaskun García Gorostizu ós cuadrantes e ás xornadas laborais da Policía Local dos anos 2021, 2022 e 2023: Concesión.	UAL17I00PZ
2363	07/12/23	Solicitud de acceso da Concelleira do PP de Culleredo, D ^a Vanesa Fernández González ós decretos 1821/2023 Resolución aprobación de facturas F/2023/240 reparo policía 1822/2023 resolución aprobación de facturas F/2023/244 reparo protección civil: Concesión.	UAL17I00Q0

C.I.F. P-1503100-H

NÚMERO	DATA	DESCRICIÓN	DOCUMENTO
2364	07/12/23	R Levantamento reparo contratación de persoal directivo, docente e administrativo "Obradoiro Culleredo Activo II"	UPO17I02PR
2365	07/12/23	R Levantamento reparo contratación alumnos traballadores "Obradoiro dual Culleredo Activo II"	UPO17I02PS
2366	11/12/23	Avocación competencias Marta Iglesias Becerra desde o día 11 de decembro de 2023 ata a súa incorporación	USG17I067L
2367	11/12/23	Resolución pola que se require a J.S.D para que no prazo dun mes proceda á retirada do vehículo Citroen C5 con matrícula 0502BXR abandonado na rúa Alcalde Domingo Sierra á altura do número 17(Rutis)	UME17I045C
2368	11/12/23	Resolución declarar que o Obradoiro dual de Emprego "Culleredo Activo II" iniciou a súa actividade o día 11/12/2023	UFE17I00ZW
2369	11/12/23	Concesión a dona M.M.T, da licenza que solicitou para a demolición e reforma parcial da vivenda situada no lugar de Morteiral (ref. Catastral:7289109NH4878N0001EF) parroquia de Celas.	UAU17I02GO
2370	11/12/23	Modificado da orde do día do Pleno ordinario de data 12 de decembro de 2023	USG17I069V
2371	11/12/23	Resolución pola que se require a B.D.A para que no prazo dun mes proceda á retirada do vehículo Seat Alhambra 1.9 con matrícula C7804CG abandonado nas inmediacións do polígono industrial Río Mero, nave 4 (Almeiras)	UME17I045H

C.I.F. P-1503100-H

NÚMERO	DATA	DESCRIPCIÓN	DOCUMENTO
2372	12/12/23	Resolución aprobación certificación núm. 9 da obra "Mejora de la intersección de la antigua N-550 con la R/Alejandro Pérez Lugín (VP-357), la R/ Senra (VP-73) y la Avda. Cordeda (VP-61)"	UME17I0452
2373	12/12/23	Resolución dominio público para suministro eléctrico de 100,00 kW para uso público, en Avenida de Acea da Ama, s/n -SGD 618123100084	UME17I0464
2374	12/12/23	Resolución aceptación da solicitude de desestimento do servizo municipal de axuda a domicilio de A.L.S	UBS17I0482
2375	12/12/23	Adxudicación da execución da obra de asfaltado na R/San Xiao, parroquia de Almeiras.	UCP17I013N
2376	12/12/23	Resolución levantamento de reparo e atribución de funcións AOP	UPO17I02QC
2377	13/12/23	Resolución aprobación certificacións núm. 6 e núm. 7 da obra "Reforma plaza de Galicia y su entorno"	UME17I0476
2378	13/12/23	Resolución aprobación de facturas F/2023/330 Reparo Medio Ambiente.	UIT17I020V
2379	13/12/23	Resolución aprobación de facturas F/2023/334 Compra auga Concello de Cambre xullo, agosto e setembro 2023	UIT17I020R
2380	13/12/23	Resolución aprobación de facturas F/2023/340 EMALCSA	UIT17I020S
2381	13/12/23	Resolución aprobación liquidación F/2023/342 Consorcio contraincendios	UIT17I020T
2382	13/12/23	Resolución aprobación de facturas F/2023/344 Comunidade Propietarios Parque Empresarial de Alvedro	UIT17I020O
2383	13/12/23	Resolución aprobación de facturas F/2023/332 Reparo Educación	UIT17I0212

C.I.F. P-1503100-H

NÚMERO	DATA	DESCRICIÓN	DOCUMENTO
2384	13/12/23	Resolución aprobación de facturas F/2023/341 Reparo Cultura	UIT17I0213
2385	13/12/23	Resolución aprobación de facturas F/2023/331 Reparo Medio Ambiente.	UIT17I0215
2386	13/12/23	Resolución denegación PEEIS (K.T.S.F)	UBS17I04B5
2387	13/12/23	Resolución prórroga do servizo municipal de Axuda a domicilio e redución do horario por cumprimento dos obxectivos de C.R.M.	UBS17I04AZ
2388	13/12/23	Resolución liquidación vado núm. 444 UME/2023/422 e alta en Padrón Fiscal.	URE17I01FJ
2389	13/12/23	Resolución liquidación vado núm. 446 UME/2023/540 e alta en Padrón Fiscal.	URE17I01GZ
2390	13/12/23	Resolución liquidación vado núm. 447 UME/2023/541 e alta en Padrón Fiscal.	URE17I01H0
2391	13/12/23	Anulación da liquidación da taxa por distribución de auga por fuga na rede interna de subministro do abonado MELG	URE17I01EZ
2392	13/12/23	Anulación da liquidación da taxa por distribución de auga por fuga na rede interna de subministro do abonado e aprobación dunha nova MIVL	URE17I01D7
2393	13/12/23	Anulación da liquidación da taxa por distribución de auga por fuga na rede interna de subministro do abonado e aprobación dunha nova EEA	URE17I01D9
2394	13/12/23	Ordenación de pago a ARR e JVF por Asistencia a tribunais para a selección de persoal funcionario interino, traballadoras/es sociais, por programas e creación dunha bolsa para nomeamentos.	UIT17I020A

C.I.F. P-1503100-H

NÚMERO	DATA	DESCRICIÓN	DOCUMENTO
2395	13/12/23	Ordenación de pago das asistencias concelleiros e concelleiras mes de outubro 2023.	UIT17I020K
2396	13/12/23	Resolución aprobación de facturas F/2023/338 Reparo Policía.	UIT17I021B
2397	13/12/23	Resolución aprobación de facturas F/2023/339 Reparo Protección Civil	UIT17I021C
2398	13/12/23	Resolución denegación PEEIS (A.D.D)	UBS17I04CC
2399	13/12/23	Decreto Sancións Tráfico (Inicio) Al 99500000030424 (Expedientes 21848/2023 e outros)	USC17I010S
2400	13/12/23	Resolución aboamento meses xuño e xullo a NPS	UPO17I02QP
2401	13/12/23	Concesión a don M.F.A a licenza que solicitou para a reforma e ampliación dunha vivenda situada no lugar de Vinxeira Pequena (ref. Catastral: 8696502NH4889N0001ES) parroquia de Celas.	UAU17I02H6
2402	13/12/23	Resolución dominio público local para canalización de liña subterránea de baixa tensión en Fonteculler SGD:618123030082	UME17I0481
2403	14/12/23	R Achega promotor plan pensións 2023	UPO17I02QY
2404	14/12/23	Corrección erro na resolución núm. 2401/2023, no seu título onde dí "Resolución concesión licenza vivenda" debe dicir "Resolución concesión licenza para reforma e ampliación vivenda"	UAU17I02LG
2405	14/12/23	Resolución acción social 2022	UPO17I02QZ
2406	14/12/23	Resolución aprobación de facturas F/2023/336 Reparo Benestar.	UIT17I021J

C.I.F. P-1503100-H

NÚMERO	DATA	DESCRICIÓN	DOCUMENTO
2407	14/12/23	Resolución aprobación de facturas F/2023/335 Reparo Benestar.	UIT17I021K
2408	14/12/23	Resolución aprobación de facturas F/2023/346 Consorcio As Mariñas (4º trimestre 2023)	UIT17I021O
2409	14/12/23	Resolución aprobación de facturas F/2023/313 Reparo Medio Ambiente (gestión servicio suministro de agua potable)	UIT17I01X1
2410	14/12/23	Convocatoria sesión ordinaria da Xunta de Goberno Local o día 18-12-2023	USG17I06BZ
2411	14/12/23	Expediente Baixa de oficio L.A.T e catro máis, xullo 2023	URP17I0QEC
2412	14/12/23	Expediente Baixa de oficio R.V.G xullo 2023	URP17I0QED
2413	14/12/23	Expediente Baixa de oficio C.S,D e dous máis, xullo 2023	URP17I0QEE
2414	14/12/23	Expediente Baixa de oficio G.G,J setembro 2023	URP17I0QEL
2415	14/12/23	Expediente Baixa de oficio M.C,R setembro 2023	URP17I0QEM
2416	14/12/23	EXPEDIENTE BAIXA DE OFICIO SETEMBRO 2023 C.D.S.S.J.E E OUTRA	URP17I0P9Q
2417	14/12/23	Expediente Baixa de oficio A.T, A.G. Setembro 2023	URP17I0QEW
2418	14/12/23	Expediente Baixa de oficio C.S,M e dous máis, setembro 2023	URP17I0QF8
2419	14/12/23	Expediente Baixa de oficio M.P,C.A, setembro 2023	URP17I0QFB
2420	15/12/23	Resolución aprobación de facturas F/2023/345 Reparo Medio Ambiente.	UIT17I021W

NÚMERO	DATA	DESCRIPCIÓN	DOCUMENTO
2421	14/12/23	Resolución aprobación de facturas F/2023/348 Reparación Formación	UIT17I021Z
2422	14/12/23	Resolución aprobación de facturas F/2023/349 Reparación Medio Ambiente.	UIT17I0220
2423	14/12/23	Nomeamento secretaria mesa de contratación de data 15/12/2023 por ausencia da titular e de suplente	UCP17I0147
2424	14/12/23	Concesión a dona M.O.V da licenza que solicitou para a segregación da parcela situada no lugar de Peiro de Arriba (ref.catastral:7591105NH4879S0001UH) parroquia de Celas	UAU17I02GR
2425	14/12/23	Resolución aprobación certificación núm. 2 e final da obra "Rehabilitación firme en la urbanización A Ría, 1ª fase"	UME17I049E
2426	14/12/23	Solicitud de acceso da Concelleira do PP, Dª Izaskun García Gorostizu a rexistro de chamada á Policía Local en relación co Bar Xentes e licenza do local: Concesión.	UAL17I00QX
2427	14/12/23	Resolución pola que se require a J.D.D.R para que no prazo dun mes proceda á retirada do vehículo Renault Trafic con matrícula 6655FNH abandonado na avda Cordeda a altura do núm. 15 (Rutis)	UME17I049N
2428	14/12/23	RESOLUCIÓN en execución sentenza no Procedemento Abreviado número 203/2022-M do Xulgado do Contencioso-Administrativo número 2 de A Coruña, derivado de reclamación de responsabilidade patrimonial presentada por A.B.F	UAJ17I00XZ

NÚMERO	DATA	DESCRICIÓN	DOCUMENTO
2429	14/12/23	Concesión licenza para segregación/parcelación finca coa ref.catastral:8290404NH4889S en 2 parcelas e agrupación do sobrante coa finca coa ref.catastral:8290405NH4889S0001TB situadas no lugar de Celas	UAU17I02GV
2430	14/12/23	Convocatoria sesión ordinaria da Comisión Informativa de Dinamización Social de data 20/12/2023	USG17I06DN
2431	14/12/23	Convocatoria sesión ordinaria da Comisión Informativa de Cohesión Social e Réxime Interior de data 20/12/2023 (ordinaria do mes de decembro)	USG17I06CZ
2432	30/12/99	Convocatoria Comisión Informativa de Presidencia de data 20/12/2023 (ordinaria do mes de decembro)	USG17I06CQ

C.I.F. P-1503100-H

5.- ASUNTOS DE URXENCIA

A continuación, a Presidencia, de conformidade co artigo 79.4 do ROM en relación co 85.5 do citado texto, somete a aprobación do Pleno, por razóns de urxencia, a proposta da Alcaldía de data 20/12/2023 relativa a elección de xuíz de paz substituto do Concello de Culleredo (doc. USG17806KE).

Sometida a votación ordinaria a declaración de urxencia e a procedencia do debate, resulta aprobada por unanimidade dos Sres/as concelleiros/as asistentes á sesión.

Transcríbese a continuación a proposta da Alcaldía referida anteriormente, dándolle lectura á parte resolutive o Sr. Secretario municipal:

«PROPOSTA AO PLENO POR URXENCIA

Xustifica a urxencia da proposta na necesidade de resolver a elección do xuíz de paz substituto antes do próximo 29 de decembro que vence o prazo fixado para remitir a elección ao Tribunal Superior de Xustiza.

«ASUNTO: ELECCIÓN DE XUIZ DE PAZ SUBSTITUTO DO CONCELLO DE CULLEREDO. EXPTE: USG/2023/196.

Por resolución da Alcaldía de data 8 de novembro de 2023 acordouse iniciar o procedemento para a elección de xuíz de paz substituto no municipio de Culleredo, aprobar as bases e a convocatoria pública para a súa elección co fin de que as persoas interesadas puideran presentar solicitudes durante un prazo de 15 días hábiles contados a partir do seguinte ao da publicación da convocatoria no BOP da Coruña.

No Boletín Oficial da Provincia de 16 de novembro de 2023 publicáronse as bases e a convocatoria.

No prazo de presentación de solicitudes, presentouse a seguinte:

- Don Damián Aneiros Vila (entrada número 2023/13050, de data 05/12/2023)

Visto o informe preceptivo de secretaría de data 20.12.2023.

Considerando o disposto nos artigos 99 a 103 da Lei orgánica 6/1985, do Poder xudicial e as prescricións do artigo 6 do Regulamento de 7 de xuño de 1995, dos xuíces de paz, que atribúen á competencia para a elección destes cargos ao Pleno municipal, co voto favorable da maioría absoluta dos seus membros.

PROPONSE ao Pleno da Corporación:

Primeiro.- A elección de Don Damian Aneiros Vila como xuíz de paz substituto do Concello de Culleredo, propoñendo o seu nomeamento á Sala de Goberno do Tribunal Superior de Xustiza de Galicia.

Segundo.- Remitir certificación do presente acordo á Secretaria do Goberno do Tribunal Superior de Xustiza de Galicia.»

A Presidencia abre a quenda de intervencións para o DEBATE.

Ningún membro da Corporación presente na sesión solicita o uso da palabra.

VOTACIÓN

Sometido pola Presidencia o asunto ditaminado a votación ordinaria, con dezaseís (16) votos a favor, os dos representantes presentes dos grupos municipais do PSdG-PSOE (7), Partido Popular (7) e Alternativa dos Veciños (2); e tres (3) abstencións, os dos representantes presentes do grupo municipal Bloque Nacionalista Galego de Culleredo; o Pleno municipal ACORDA:

Primeiro.- A elección de Don Damian Aneiros Vila como xuíz de paz substituto do Concello de Culleredo, propoñendo o seu nomeamento á Sala de Goberno do Tribunal Superior de Xustiza de Galicia.

Segundo.- Remitir certificación do presente acordo á Secretaria do Goberno do Tribunal Superior de Xustiza de Galicia.

6.- ROGOS E PREGUNTAS

A Presidencia pregunta aos membros da Corporación se teñen algún rogo ou algunha pregunta para facer.

Ningún membro da Corporación pide o uso da palabra neste punto.

E non habendo máis asuntos que tratar, sendo as vinte e dúas horas e corenta e cinco minutos (22:45 h.) do día expresado "*ut supra*", a Presidencia levanta a sesión, da que se estende a presente acta do que eu, como Secretario municipal, dou fe.

Autorízase o presente borrador da acta coa sinatura dixital do Sr. alcalde e do secretario municipal, que dá fe, que se someterá a aprobación na vindeira sesión ordinaria que se celebre do mesmo órgano a expensas do que resulte da correspondente aprobación.

C.I.F. P-1503100-H